

თავი IV

საქართველოს დამფუძნებელი პრეზიდენტის მრავალეპისტოლი დემოკრატიის მოღვაწეობა ეროვნული სახელმწიფოს აშენებისა და სრულყოფისათვის

1918 წლის 26 მაისის დამოუკიდებლობის დეკლარაცია ითვალისწინებდა უახლოეს მომავალში დამფუძნებელი კრების მოწვევას, მაგრამ გართულებული შინაპოლიტიკური და საგარეო მდგრმარეობის გამო სათანადო მუშაობის ჩატარება დაგვიანდა. თითქმის ყველა პოლიტიკურ პარტიას, დროებითი პარლამენტის ყველა ფრაქციას დამფუძნებელი კრების მოწვევა საჭიროდ მიაჩნდა იმიტომაც, რომ თავის დროზე საქართველოს ეროვნული საბჭო, მართალია, ჩამოყალიბდა პარტიეტული პრინციპის საფუძველზე და მასში ყველა პარტიას ჰყავდა წარმომადგენელი, მაგრამ ეს საკანონმდებლო ორგანო არ იყო შექმნილი საყოველთაო და თანასწორი არჩევნების გზით. ოპოზიციური პარტიების აზრით პარლამენტის არსებული შემადგენლობა ვერ ასახავდა საზოგადოებრივ-პოლიტიკურ ორგანიზაციათა ფაქტობრივ ძალას და გავლენას. ისინი ვარაუდობდნენ, რომ დამფუძნებელი კრების არჩევნებში უფრო რეალურად გამოიჩატებოდა ხალხის ნება, მისი სიმპათია-ანტიპათიები ცალკეულ პოლიტიკურ პარტიათა მიმართ.

1918 წლის 22 ნოემბერს საქართველოს რესპუბლიკის პარლამენტმა დაამტკიცა „დებულება დამფუძნებელი კრების არჩევნებისა“, რომელიც ათი თავისა და ასცხრამეტი მუხლისაგან შედგებოდა. იგი ითვალისწინებდა საყოველთაო, თანასწორი, პირდაპირი და ფარული ხმის მიცემით დამფუძნებელი კრების ~~წევრის~~ არჩევას. პროპორციულ-წარმომადგენლობითი წესით არჩევნების ჩატარება კვალებოდა ცენტრალურ საარჩევნო კომისიას, მისადმი დაქვემდებარებულ საქალაქო, სამაზრო და სასოფლო საზოგადოებათა კომისიებს. დებულების თანახმად საარჩევნო კომისიაში უნდა შესულიყვნენ იმ პოლიტიკურ პარტიათა და საზოგადოებრივი ორგანიზაციების წევრები, რომელნიც წარადგენდნენ დებუტატობის კანდიდატთა სიებს.



ბუნებრივია, ისმის კითხვა – როგორი იყო პოლიტიკურ ძალაუფლებები განლაგება, რომელი პარტიები, საზოგადოებრივი ორგანიზაციები და კულტურული აპირებები აპირებდნენ საარჩევნო მარათონში მონაწილეობას, დამფუძნებელ კრებაში თავის წარმომადგენლების გაყვანას?

საქართველოს დროებით პარლამენტში უმრავლესობა სოციალ-დემოკრატიას ეკუთვნოდა. იგი არც დამფუძნებელ კრებაში აპირებდა პოზიციების დათმობას.

ქართველ მენშევიკებს რუსეთის სოციალ-დემოკრატიულ (მენშევიკურ) პარტიასთან იდეურ-ორგანიზაციული ერთიანობა აკავშირებდა. მაგრამ ოქტომბრის გადატრიალებამ და მისმა თანამდევმა მოვლენებმა ნაწილისა და მთელის ერთიანობა დაარღვია. რუსეთის მენშევიკური პარტია კომუნისტურ დიქტატურასთან ბრძოლაში სულს ღაფავდა, ქართველ მენშევიკთა ორგანიზაცია კი საქართველოს პარლამენტისა და მთავრობის წამყვან ძალად გადაიქცა.

რუსეთის სოციალ-დემოკრატიული პარტიისაგან საქართველოს სოციალ-დემოკრატიის ფაქტობრივი გამოყოფა კარგახანს არ ყოფილა გაფორმებული ოფიციალურად და იურიდიულად. საქართველოს ეროვნული მიმართულების პარტიებმა, მოვლენების განვითარებისაგან ასეთი ჩამორჩენილობის გამო არაერთხელ გააკრიტიკეს სოციალ-დემოკრატები. საზოგადოებრივმა აზრმა, როგორც ჩანს, დააჩქარა საქართველოს სოციალ-დემოკრატიის დამოუკიდებელ პოლიტიკურ პარტიად გაფორმება.

1918 წლის 14-19 ნოემბერს ჩატარდა საქართველოს სოციალ-დემოკრატიული ორგანიზაციის მე-8 ყოილობა. მსჯელობის ძირითადი საგანი იყო საქართველოს დამოუკიდებელი სოციალ-დემოკრატიული პარტიის შექმნის (უფრო სწორად გაფორმების) საკითხი. 75 დელეგატიდან პარტიის დამოუკიდებლობას მხარი დაუჭირა 70 დელეგატმა. „სეპარატიზმის“ წინააღმდეგ გაილაშქრა მხოლოდ ხუთმა კაცმა. ამ მინიატურულმა ფრაქციამ გაჲ. „სოციალ-დემოკრატში“ გამოაქვეყნა თავისი „დეკლარაცია“. მისი ავტორების აზრით, მიმდინარე ეტაპზე მსოფლიოს განვითარების ძირითადი ტენდენცია იყო არა დიდ სახელმწიფოთა დაშლა (რაც ნამდვილად ხდებოდა), არამედ ხალხთა შეკავშირება და გაერთიანება. რუსეთის მრავალეროვნული პროლეტარიატი უნდა ცდილობდეს საერთო რუსული რევოლუციური ფრონტის აღდგენას, რაც თავისთავად გამორიცხავს ერთიანი სოციალ-დემოკრატიული პარტიის ეროვნული ნიშნით დანაწილებას.

ფრაქციის წევრებს მიაჩნდათ, რომ ამიერკავკასიის ეროვნული სახელმწიფო ორგანიზაციის შექმნა და ერთის აღილზე სამი სოციალური დემოკრატიული პარტიის ჩამოყალიბება იყო წვრილბურჟუაზიული და ნაციონალისტური საქმე. მცირე ოპოზიცია იმედოვნებდა, რომ სოციალ-დემოკრატთა უმრავლესობა მაღლ მის თვალსაზრისს მიიღებდა და ინტერნაციონალისტის გზას დაუბრუნდებოდა.

6. უორდანიამ მკაცრად გააკრიტიკა ეწ. „ოპოზიციის“ დაბნეულობა, მისი რეალური ნიადაგიდან მოწყვეტა. კ. კაუცის ბოლო ნაშრომებზე დაყრდნობით ქართული სოციალ-დემოკრატიის ლიდერმა აღნიშნა, რომ ამჟამად სჭარბობს ეროვნულ სახელმწიფოთა წარმოშობის ტენდენცია და ამდენად ერთიანი პროლეტარული ფრონტის ღონიშვილი უტოპიურია. ოპოზიციონერები გვსაყვედურობენ, რომ მოვწყდით კლასობრივ ნიადაგს, ვემსახურებით ვიწრო ეროვნულ საქმეს, უარს ვამხობთ რევოლუციურ ბრძოლაზე და ვამყარებთ სამოქალაქო ზავს.

6. უორდანიამ დიდი რწმენით განაცხადა, რომ სოციალ-დემოკრატიას არ აშინებს მინიატურული ოპოზიციის მიერ წამოყნებული ბრალდება. ჩვენ უწინარეს ყოვლისა დემოკრატები ვართ და არა ნაციონალისტები. ვამაყობთ იმით, რომ რევოლუციის იდეებს სამოქალაქო ომის გარეშე ვახორციელდეთ. თუ ჩვენ მოგვყვებან სხვა კლასები და სხვა პარტიები, ეს დამსახურებად მიგვაჩნია. ადრე ცენტრალისტები ვიყავით, მაგრამ სიტუაცია შეიცვალა და დრომ მოითხოვა ეროვნული სახელმწიფოს შექმნა, საქართველოს დამოუკიდებელი სოციალ-დემოკრატიული პარტიის ჩამოყალიბება.¹

საქართველოს სოციალ-დემოკრატიის VIII საოლქო ყრილობა დამოუკიდებელი სოციალ-დემოკრატიული პარტიის პირველ დამფუძნებელ ყრილობაში გადაიზარდა. დელეგატებმა ბოლო სხდომაზე პარტიის ცენტრალური კომიტეტის შემადგენლობაში აირჩიეს 6. უორდანია, კ. ჩხეიძე, რ. არსენიძე, ს. ჯიბლაძე, ნ. რამიშვილი, ნ. ხომერიკი, ალ. ლომთათიძე, ე. გეგეშვილი და სხვები.²

ცოტა რამ ალიონისტების შესახებ. „ალიონის“ ჯგუფი თავის დროზე პროგრამულ საკითხებზე უთანხმოების, საქართველოს პოლიტიკური ავტონომიის მხარდაჭერის გამო გამოეყო სოციალ-დემოკრატიულ (მენშევიკურ) ორგანიზაციას და თავის მიმართულებით ძალიან დაუახლოვდა სოციალისტ-ფედერალისტთა პარტიას. მაგრამ მას შემდეგ, რაც სოციალ-დემოკრატია საქართველოს დამოუკიდებლობის პოზიციაზე დადგა, თვით პარტიაც დამოუკიდებელი გახდა, აზრი აღარ

პქონდა დედაპარტიისაგან გათიშვას, ცალკე ორგანიზაციის თუ ჯგუფის
სახით არსებობას. 1919 წლის იანვარში ალიონისტები დაბრუნდნენ საქართველოს სოციალ-დემოკრატიული პარტიის შემადგენოლობაში.

რუსეთსა და ამიერკავკასიაში მომხდარმა პოლიტიკურმა ცვლილებებმა არსებითად შეცვალა აკრეთვე ამიერკავკასიის სოციალისტ-რევოლუციონერთა ორგანიზაციების სტატუსი. 1918 წლის მაისში ქუთაისის საგუბერნიო კომიტეტის ინიციატივით გადაიდგა პირველი ნაბიჯი საქართველოს დამოუკიდებელი სოციალისტ-რევოლუციონერთა პარტიის შექმნისათვის. მისი დამფუძნებელი ყრილობა გაიმართა 1918 წლის ივნისში.

ესერები მტრულად შეხვდნენ ოქტომბრის ბოლშევიკურ გადატრიალებას. ამ პარტიის ლიდერებმა განაცხადეს, რომ არ იყო მიზანშეწონილი რუსეთის დაშლა, მისგან ამიერკავკასიისა და საქართველოს გამოყოფა. მაგრამ ბოლშევიკებმა გახრწნეს არმია, გამოიწვიეს ფრონტების გაშიშვლება, ქვეყნის შიგნით სამოქალაქო ომი და დიდი რუსეთი დაშლამდე მიიყვანეს. რუსეთის დიდი, თებერვლის რევოლუციის მონაპოვარი თვით რუსეთში იღუპება, აქ საქართველოში კი შესაძლებელია მისი შენარჩუნება. ჩვენ გვწამს, რომ საქართველოს რესპუბლიკის მეთაურები — ნ. ჟორდანია, კ. წერეთელი, კ. ჩხეიძე და სხვ. ხალხს არ უდალატებენ, დიდი რევოლუციის დღებს საქართველოში მაინც განახორციელებენ.³

სოციალისტ-რევოლუციონერთა პარტიის მეორე ყრილობაზე ლ. შენგელიამ თქვა: „ჩვენ მოვწყდით რუსეთს და ამით მოვწყდით ჩვენს დიდ პარტიას რუსეთში. ამას არ მოითხოვდა ჩვენი ვიწრო პარტიული ინტერესები, მაგრამ მოითხოვდა ჩვენი ერის მდგომარეობა და შერომელი ხალხის ინტერესები. დამოუკიდებელი პარტიული არსებობა აორკეცებს ჩვენს პასუხისმგებლობას. ჩვენ მოვწყდით დედაპარტიას, მაგრამ თუ ინტერნაციონალიზმი არის იდეური ერთობა და არა მექანიკური კავშირი, ჩვენ მასთან ვიქებით მუდად“⁴. ესერთა პარტიის ცენტრალური კომიტეტის საანგარიშო მოხსენებაში ივანე გობეჩიამ აღნიშნა: „საქართველოს დამოუკიდებლობის გამოცხადება საჭირო იყო მისათვის, რომ ჩვენი ერი გადარჩნილიყო ფიზიკურ განადგურებას. ობიექტური პირობები ამას გვიკარნახებდა და ჩვენც არ შეგვეძლო მისთვის არ დაგვეჭირა მხარი. საქართველოს დამოუკიდებლობა იყო მიზეზი ჩვენი ორგანიზაციების რუსეთის ცენტრალური კომიტეტისაგან გამოყოფისა და დამოუკიდებელი პარტიის შექმნისათვის ცენტრალური კომიტეტით.“

საქმე იმაში გახდავთ, რომ უხერხულია და შეუძლებელიც საქართველოს რესპუბლიკის საზღვრებში მოქმედი ჩვენი პარტიის ორგანიზაციების დაქვემდებარებოდა რუსეთის ცეკას“⁴.

ჩვენი ესერები, როგორც ვხდავთ, თითქოს ბოლიშს იხდიდნენ რუსი თანამოაზრების წინაშე, რომ ობიექტურმა პირობებშია აიტელა ისინი გამოყოფოდნენ დედაპარტიას და რუსეთს. ასეთი განწყობილება – ინტერნაციონალიზმი შეზავებული ეროვნულ ნიპილიზმთან, უფრო მოგვანებითაც ემჩნეოდათ ქართველ სოციალისტ-რევოლუციონერებს, რაც თავისებურ დაღს ასვამდა ესერულ ოპოზიციის საქმიანობას საქართველოს პარლამენტში და მათს დამოკიდებულებას ეროვნული მიმართულების პარტიებისადმი.

ეროვნულ-დემოკრატიული პარტიის დამფუძნებელი ყრილობა, როგორც ითქვა, 1917 წლის ივნისში ჩატარდა. 5 თვის შემდეგ მას გამოყოიშა ერთი ჯგუფი, რომელმაც თავის თავს ეროვნულ-რადიკალური პარტია უწოდა. იგი ფართო დემოკრატიისაკენ იხრებოდა, წინა პლანზე წამოსწია საქართველოს ყველაზე მრავალრიცხოვანი კლასი გლეხობა. ის მიიჩნია ეროვნული მოძრაობის მთავარ ძალად და თავისუფალი საქართველოს ძირითად მშენებლად. ამ ახალი მიმდინარეობის ხელმძღვანელის აზრით, რესპუბლიკური წყობილების პირობებში, სოციალისტური პარტიები ვერ დაიცავდნენ გლეხთა ყველა ფენის ინტერესებს. ამ კლასის იდეოლოგობა არც ეროვნულ-დემოკრატიულ პარტიას შეუძლიაო. ქართველი გლეხობისათვის, ჩიქოვანის განცხადებით, ეროვნულ-რადიკალურ, იგივე ეროვნულ-გლეხურ პარტიას უნდა გაეწია ხელმძღვანელობა. მისი აზრით, ეროვნულ-რადიკალური პარტია ყველა სხვებისაგან იმითაც განსხვავდებოდა, რომ იძრიდა საქართველოს სრული დამოუკიდებლობისათვის.

ეროვნულ-რადიკალურმა პარტიამ დაიწყო საკუთარი გაზეთის („ჩვენი რესპუბლიკა“) გამოცემა, რომელშიც იბჭვდებოდა წერილები მომავალი გლეხური რესპუბლიკის შესახებ. ახალი პარტიის წევრები, მართალია, აღიარებდნენ კერძო საკუთრების ხელშეუხებლობას, მაგრამ მიზანშეწონილად მიაჩნდათ სხვილი მემამულებისაგან ნორმაზე მეტი მიწის უსასყიდლოდ ჩამორთმევა და ღარიბი გლეხებისათვის გადაცემა.⁵

აგრარულ საკითხზე ეროვნულ-დემოკრატიულ პარტიაში საკმაოდ დიდი უთანხმოება, აზრთა სხვადასხვაობა გამოვლინდა. რადიკალების შეხედულებასთან დაკავშირებით მემარვევენები კითხვას. ასე სვამინებს: „რა შეემატება ერს დიდ მემამულებს რომ მიწები უსასყიდლოდ

ჩამოვართვათ?“ და თვითვე პასუხობდნენ: „კი არ შეემატება, ბევრიც მოაკლდება, ერის ერთი საკმაოდ კულტურული ნაწილი დაბეჩავდება დაქვეითდება. პრინციპი კერძო საკუთრებისა შეირყევა. უფასოდ ჩამორთმეული მამულების განაწილების დროს გლეხთა შორის დაუსრულებელი ბრძოლა ატყდება და საშინელი ანარქია გამეფდება“.⁶ ამგვარ მსჯელობას არ დაეთანხმნენ მემარცხენები, რის გამო მოხდა კიდეც გათიშვა.

1918 წელს ეროვნულ-დემოკრატიულ პარტიას გამოიყო მეორე ფრაქცია (გრ. ვეშაპელი, რ. გაბაშვილი, დ. ვაჩინაძე, გ. მაჩაბელი, გ. ამირევიძი და სხვ.) და დაარსა დამოუკიდებელი ნაციონალ-დემოკრატიული პარტია. ამის შემდეგ ძირითადი პარტია ცენტრისტულ პოზიციაზე აღმოჩნდა, რომელსაც ხშირად პქონდა დებატები მემარცხენებთან და მემარჯვენებთან. ეს უკანასკნელი ცენტრისტებს სოციალ-დემოკრატიულ პარტიასთან შემგუებლობის ტაქტიკას უკიუჩებდნენ და თავის წევრებს პპირდებოდნენ, რომ მკაცრ ოპოზიციაში ჩაუდგებოდნენ მთავრობას, ყოველნაირად ამხილებდნენ მმართველი პარტიის ექსპერიმენტთა უნიადაგობას, ქვეყანას დაანახვებდნენ ნამდვილ სახეს სოციალ-დემოკრატიისა, რომელიც ცდილობდა საქართველოში ისეთ „ულტრადემოკრატიული წეობლების“ შექმნას, რომლის მაგვარი ჩვენს პლანეტაზე ჯერ არავის უნახავსო.⁷

სოციალ-ფედერალისტთა პარტია საქმაოდ დიდი ხნის განმავლობაში აერთიანებდა ეროვნულ და სოციალურ მიმართულებას. მას შემდეგ, რაც ამ თავისებურ გაერთიანებას ეროვნულ-დემოკრატები გამოეთიშნენ, მისი რიგები შეთხელდა. რუსეთიდან საქართველოს გამოყოფის, დამოუკიდებელი რესპუბლიკის შექმნის შემდეგ, სოციალისტ-ფედერალისტთა პარტიამ რამდენადმე დაკარგა გავლენა. ამის მიზნად მოვლენის თანამედროვეებმა მიიჩნიეს ის, რომ ავტონომია-ფედერაციის იდეა მოძველდა, აქტუალობა დაკარგა. ეს თითქოს ასეც იყო. მაგრამ ფაქტები ლაპარაკობდნენ, რომ ამ ეროვნულ-სოციალისტურმა პარტიამ გამოიჩინა საქმაო მობილურობა და თავისი ადგილი მონახა საზოგადოებრივ-პოლიტიკურ ცხოვრებაში, საქართველოს მრავალპარტიულ დემოკრატიულ სისტემაში.

ეროვნული იდეალის განხორციელების, საქართველოს სახელმწიფოებრივი დამოუკიდებლობის აღდგენის შემდეგ სოციალ-ისტ-ფედერალისტებმა გაცილებით მეტი ყურადღება მიაქციეს ერის შინასოციალური სტრუქტურების გაუმჯობესებას. სოციალიზმის

თეორიისა და პრაქტიკის სრულყოფას. ისინი მარცხნიდან აკრიტიკებდნენ მმართველი პარტიის სახელმწიფოებრივ მოღვაწეობას საქვეყნოდ აცხადებდნენ, რომ ჩვენი საზრუნავი ახლა სოციალისტური შემოქმედების გაჩაღება არის. სოციალური რადიკალიზმის მქადაგებელი დედაპარტიისაგან გამოყოფის გზას დადგნენ. ამასთან დაკავშირებით „საქართველოს“ რედაქცია შენიშნავდა: „განა მოელოდა ვინძე, რომ უკეთერალისტები ამ დასკვნამდე მივიდოდნენ. რა იქნა ტანჯული ჯორჯაძის ტანჯული სული.. . .ჩვენ მაინც გვგონია, რომ უკეთერალისტები სამუდამოდ არ „გამაშვრალებულან“. აშკარაა უკეთერალისტებში ორი მიმდინარეობაა. მაგრამ ჯერჯერობით გამარჯვებულია ბ-ი თედო ღლონტი (მემარცხენე სოციალისტ-უკეთერალისტი ა.ბ.). ჩვენ გვინდა დავიკეროთ, რომ „ეს შუქურვარსკვლავი“ საბედისწერო კომეტა არ გახდება უკეთერალისტებისათვის“.⁸

თვით სოციალისტ-უკეთერალისტთა პარტიის წევრთა დიდმა უმრავლესობამ დაგმო სოციალური რადიკალიზმი, თავის ზოგიერთ თანამოაზრეთა „გამაშვრალება“. მათი გაზითი მკითხველ საზოგადოებას აუწყებდა: „სოციალ-დემოკრატთა თავდასხმების მოგერიებისა და ს. უკეთერალისტთა პარტიის გამაგრების შემდეგ, გამოდიან ზოგიერთი უკმაყოფილო წევრები და „მაშვრალთა“ ჯგუფის სახელით დამოუკიდებელ მოქმედებას იწყებენ. მიზეზი თურმე იდეური სხვადასხვაობა, თვალსაზრისთა იმდენად შეურიგებლობა ყოფილა, რომ ერთად მუშაობა შეუძლებელი გამხდარა. გვიხსენებინ ძველ „ცოდვებს“, ადრე მხარს რომ კუჭერდით ერობას, ვიბრობდით სახელმწიფო სათათბიროში მოხვედრისათვის და კიდეც მივაღწიეთ ვ. გელოვანის დეპუტატად არჩევას. ძნელი გასაგებია რისთვის დასჭირდათ ძველი ამბების გახსენება. მთავარი ისაა ახალს რას გვეტყვის მაშვრალთა რუპორი „ახალი ნაკადი“. „თუ მეტი სათქმელი არა აქვს, რაც თავის გამოსვლის პირველ დღეს სთქვა, სჯობს მიხუროს თავის დუქანი, ნურც თავს იწუხებს და ნურც სხვებს აწუხებს“⁹.

სხვადასხვა საკითხებზე შინაგანი წინააღმდეგობა თანდათან გაღრმავდა. განსაკუთრებით გამწვავდა საქმე დამუშავებელი კრების არჩევნების მოახლოების დროს. სოციალისტ-უკეთერალისტთა კომიტეტის სხდომაზე შეუძლებელი გახდა შეთანხმება დეპუტატობის კანდიდატთა სის შემადგენლობაზე. ამიტომ სხდომა დასტოვა ოპოზიციამ და მეზობელ დარბაზში მიიღო დადგენილება „მემარცხენე სოციალისტ-უკეთერალისტ მაშვრალთა პარტიის“ დაარსების თაობაზე.



„სახალხო საქმის“ რედაქციამ დაგმო გამოიშველები, აღნიშნა, რომ მათ თანამედროვე ქამელეონებს არაფრად მიაჩნიათო ასე ნაჩქარევად პახალი პარტიის შექმნა, არ ესმით რომ პოლიტიკური პარტიების გამრავლების ასეთ სწრაფ ტემპს „სარგებლობის მაგიერ მხოლოდ ზიანი მოაქვს ხალხისა და სამშობლოსათვის“.¹⁰

მაშვრალთა მიერ გამოწვეული ინციდენტი განიხილა სოციალ-ისტ-ფედერალისტთა პარტიის უძალესმა ორგანომ, მკაცრად გააკრიტიკა განდგომილნი, თავის რიგებიდან გარიცხა მაშვრალთა ლიდერი აღ. წერეთელი და მისი ზოგიერთი ამყოლი, რომელთაც, ფედერალური საბჭოს განცხადებით, სკადეს პარტიაში განხეთქილების შეტანა. მიიღო რა მხედველობაში დამფუძნებელი კრების მოახლოვებული არჩევნები და მომენტის სირთულე, ფედერალურმა საბჭომ მოუწოდა „ყველა ამხანაგს მჭიდროდ შემოიკრიბნენ პარტიის წმინდა დროშის. გარშემო და გაცხოველებული ბრძოლა აწარმოონ პარტიის მთლიანობისა და სიმკიდრისათვის, რათა მან ძელებურად განავრძოს მედგრად სვლა თავისეუფალ საქართველოში იმ დროშით, რომელსაც ყოველთვის ეწერა: „ერი და სოციალიზმი“.¹¹

სოციალისტ-ფედერალისტთა ძირითად ბირთვს და „სახალხო საქმის“ რედაქციას, მართალია, მიაჩნდათ, რომ მაშვრალთა პარტიის დამოუკიდებელ არსებობას პრინციპული საფუძველი არ ჰქონდა, მაგრამ იგი ერთხანს მაინც საქმიანობდა, თავისებური ელფერი შეჰქონდა პოლიტიკურ ბრძოლაში, პარტიების ურთიერთობაში.

მემარცხენე სოციალისტ-ფედერალისტების მაშვრალთა პარტიამ დაიწყო საქართვის გაზეთის „ახალი ნაკადის“ გამოცემა. პარტიისა და მისი ორგანოს თეორიულ-პროპაგანდისტულ საქმიანობაზე ცხადად იყრინობოდა ანარქისტული მსოფლმხედველობის გავლენა. ამაზე მეტყველებდა თუნდაც ის, რომ პარტიას ცოტა მოგვიანებით უწოდეს „საქართველოს სარევოლუციო სინდიკალისტ მაშვრალთა კავშირი“. იგი უარყოფდა როგორც სახელმწიფოს საერთოდ, ისე პროლეტარიატის დიქტატურის სახელმწიფოს და პოლიტიკურ პარტიასაც კი. თავის კავშირს თვლიდა სოციალ-ეკონომიკური ხასიათის გაერთიანებად. სინდიკალისტ-მაშვრალთა კავშირის პროგრამა ქადაგებდა: „მომაკვდავი ბურჟუაზიული ქვეყნის გულშივე უნდა ჩაისახოს ახალი ორგანიზაცია წარმოებისა, ახალ საზოგადოებრივ დამოკიდებულებისა. ასეთი ორგანიზაციებია სოფლისა და ქალაქის მუშათა ამხანაგობანი – სინდიკატები“.¹²



რევოლუციური სინდიკატების პრინციპებზე მდგარი ეს ორგანიზაცია უფლებამოსია, გმობდა პროლეტარიატის დიქტატურას, ვიშრუცა სახელმწიფოებრიობის ერთ-ერთ ფორმას, მაგრამ ბოლშევიკურ პარტიას აღიარებდა სოციალიზმისათვის მებრძოლ სერიოზულ ძალად და შესაძლებლად მიაჩნდა მასთან შეთანხმება, ანტიბურულუაზიულ ბლოკში გაერთიანება.¹³

მაშვრალ-სინდიკალისტები საკმაოდ მკაცრად, მარცხნიდან აკრიტიკებდნენ სოციალ-დემოკრატებსაც და სოციალისტ-ფედერალისტებსაც, მაგრამ ამით პოლიტიკური კაპიტალი ვერ დააგროვეს, მშრომელი ხალხის მხარდაჭერა ვერ მოიპოვეს. ალბათ ამიტომ, იყო, რომ მისმა ინიციატორებმა მალე დაყარეს ფარხმალი, კვლავ სოციალისტ-ფედერალისტთა პარტიაში მიღება ითხოვეს, რაც დააკმაყოფილა კიდეც პარტიის მეოთხე კონფერენციამ.

პოლიტიკური პარტიების ნამდვილი ბუმი 1919 წლის პირველ კვარტალში შეინიშნებოდა. რამდენიმე ქართული პარტია და ჯგუფი მხოლოდ იმდისათვის შეიქმნა, რომ მონაწილეობა მიეღო არჩევნებში, თავის ხალხი გაეყვანა საქართველოს დამფუძნებელ კრებაში. ძველ სტაჟიან პოლიტიკურ პარტიებთან წინასარჩევნო ბრძოლაში ისეთი მცირე ჯგუფები, მომენტალურად ჩამოყალიბებული გაერთიანებები ჩაეხნენ, როგორიც იყვნენ „ევგენი დვალის პარტია“, „ესთეტიური ლიგა“, „ბერძნების ჯგუფი“ და სხვ. დეპუტატობის კანდიდატთა თავის სიები წარადგინეს აგრეთვე რუსეთის სოციალ-დემოკრატებმა, დაშნაკებმა და სხვა არაქართულმა პარტიებმა.

ზოგიერთ მოღვაწესა და პოლიტიკოსს პარტიების სიმრავლე დადგეთ მოვლენად, საზოგადოების პოლიტიკური მოწიფელობის ნიშანად მიაჩნდა. უმრავლესობა ასეთ შეხედულებას არ ეთანხმებოდა. მათი აზრით, ამ სიმრავლეში უფრო ხშირად უარყოფითი მომენტები იჩინდა თავს, ვიდრე დადგეთით. „პარტიათა სიმრავლე – წერდა თ. ღლონტი – ნიშნავს საზოგადო მოღვაწეთა ხელოვნურად გამრავლებას., ...პარტიათა სიმრავლე ერთგვარი ფუფუნებაა. ჩვენ ამ გარემოებას იმიტომ მივაქცევთ ყურადღებას, რომ აშკარაა: საქართველო დღეს საზოგადო მოღვაწეების სიმრავლით იტანჯება და ამ ტანჯვაში შეიძლება სულიც ამოხდეს., ...ჩვენი ქვეყნისათვის საკმაოა რამდენიმე პარტია, სერიოზული, ძირგამდგარი, პარტია დიდი საკითხებისათვის მჩრუნავი და ამიტომ საჭიროდ მიგვაჩნია კარლიკური ჯგუფების მოსპობა, ან მათი ასიმილაცია რომელიმე პარტიის მიერ. ჩვენთვის

სასიამოვნო იყო, რომ „ალიონის“ ჯგუფი სოციალ-დემოკრატიან
შეუერთდა და სასიამოვნო იქნება თუ სხვა პატარა ჯგუფებიც წარმატებულია
„ალიონის“ ხალხს“!¹⁴

იმავე წერილში თ. ღლონტმა ეჭვებეშ დააყენა სოციალისტ-
რევოლუციონერთა დამოუკიდებელი პარტიის საზით არსებობის
საჭიროება, მიზანშეწონილად მიიჩნია მისი გაერთიანება სოციალისტ-
ფედერალისტთა პარტიასთან. მისი აზრით, გერცენის, ჩერნიშევსკის,
ლავროვისა და მიხაილოვსკის მიერ ხელდასხმული ეს პარტია XX
ს-ის დამდევ არსებითად გარდაიქმნა. ესერთა ზოგი პრინციპი მიიღეს,
გაითავისეს სოციალისტ-ფედერალისტებმა. ამ ბოლო დრომდე მათ
შორის განსხვავება იმაში მდგომარეობდა, რომ ესერების რუსული
პარტია უარყოფდა ეროვნული საკითხის მნიშვნელობას,
კოსმოპოლიტურ პოზიციაზე იდგა. სოციალისტ-ფედერალისტები კი
ყოველთვის წინა პლანზე აყენებდნენ ეროვნულ საკითხს. საქართველოს
დამოუკიდებლობის გამოცხადების შემდევ მდგომარეობა არსებითად
შეიცვალა. ქართველი ესერები გამოუყვნენ რუს თანამოაზრებს და
აღიარეს ეროვნული საკითხის დიდი მნიშვნელობა. რითაც კიდევ
უფრო დაუახლოვდნენ სოციალისტ-ფედერალისტებს. წვრილმან
საკითხებზე, დაასკვნიდა თ. ღლონტი, აზრთა სხვადასხვაობა რჩება,
„მაგრამ როცა მთავარი ხაზი გამორკვეულია იქ პარტიათა შეთანხმება
და გაერთიანება უნდა მოხდეს.., ...სოციალისტ ფედერალისტებისა და
სოციალისტ-რევოლუციონერების გაერთიანება საჭიროა
სოციალიზმისათვის. ეს საჭიროა ქართველი ხალხისათვის და ბოლოს
ეს საჭიროა ჩვენი საზოგადოებისა და პარტიული კულტურის
განვითარებისათვის“¹⁵.

თ. ღლონტი სწორად ასახავდა ამ ორი დასახელებული პარტიის
მსოფლმხედველობრივი დაახლოვების ტენდენციას, დამაჯერებლად
ასაბუთებდა მათი შერწყმის მიზანშეწონილობას. სოციალისტ-
ფედერალისტებისა და ესერების ორგანიზაციული გაერთიანება,
მართალია, არ მომხდარა, მაგრამ ფაქტია, რომ ისინი ძალიან ბევრ
საკითხზე ერთნაირად მსჯელობდნენ, დამფუძნებელ კრებაში მემარცხენე
ოპოზიცია შექმნეს და დემოკრატიული სოციალიზმის პრინციპებზე
დაყრდნობით აკრიტიკებდნენ მმართველი სოციალ-დემოკრატიული
პარტიის ბურჟუაზიულ პოლიტიკას.

საქართველოს რესპუბლიკის ცენტრალურმა საარჩევნო კომისიამ
ყველა საპარლამენტო პარტიასთან ურთად დამფუძნებელი კრების



არჩევნებში მონაწილეობის მისაღებად ქართველი ბოლშევიკები¹⁵ შიიწვია. მაგრამ ამ უკანასკნელებმა მიწვევა არ მიიღეს, ბოჭორტუ გამოუცხადეს არჩევნებს. კომუნისტებმა მთელ საქართველოში გაავრცელეს პროკლამაცია, რომელშიც ნათქვამი იყო: „რაღა უნდა დააფუძნოს დამფუძნებელი კრებამ, თუ ყველაფერი დაფუძნებულია? ვინდა უნდა აირჩიოს ქართველმა ხალხმა, თუ აურჩევლებმაც შშვენივრად განავეს ცხოვრება? დამფუძნებელი კრება იმაზე უკეთესს ვერაფერს გამოსცემს და დაკანონებს, რაც უკვე გამოსცა და დაკანონა არსებულმა პარლამენტმა, რომელიც არავის არ აურჩევია“. ბოროტი ირონიით გაუღენთილი ეს პროკლამაცია მოუწოდებდა საქართველოს შშრომელებს მონაწილეობა არ მიეღოთ არჩევნებში. ამ ბოიკოტით თქვენ პროტესტი უნდა გამოიუცხადოთ არსებულ წყობილებას, სამარცხვინო ბოძზე უნდა გააკრაოთ ბურჟუაზიული და წვრილბურჟუაზიული პარტიები.¹⁶

„რა იქნება საქართველოს დამფუძნებელი კრება? – სვამდა კითხვას მეორე ბოლშევიკური პროკლამაციის ავტორი და თვითვე პასუხობდა: „ეს იქნება არა შშრომელი ხალხის ბატონობის იარაღი, არამედ ბურჟუაზიის, თავადაზნაურობის, შეძლებული გლეხობის ბატონობის გამამტკიცებელი. ეს იქნება მენშევიკების, ფედერალისტების, ესერების, ნაციონალ-დემოკრატების სალაყო, სადაც ლამაზი სიტყვების კორიანტელს დააყენებენ, ხანდახან შშრომელი ხალხის ჭირვარამშე ფარისევლურად ცრემლს დაღვრიან და ნამდვილად კი ბურჟუაზიის და თავადაზნაურობის საქმეებს მოაჭარაკებენ“.

ასე გააგრძელეს ბოლშევიკებმა თავის ადრინდელი პოლიტიკა და ტაქტიკა. კვლავ გამოეთიშნენ მრავალპარტიულ დემოკრატიას, უარი თქვეს ხელისუფლებისათვის პარლამენტურ ბრძოლაზე. იმედი ისევ აჯანყებასა და საბჭოთა რესეთიდან მომდინარე სამხედრო-პოლიტიკურ დახმარებაზე დაამყარეს. მიზნად დამფუძნებელი კრების არჩევნების ჩაშლა, საბჭოთა ფედერაციულ რესეთში საქართველოს შეყვანა დაისახეს.

ბოლშევიკთა, ასეთმა ტენდენციურმა, დეზინფორმაციულმა გამოსვლებმა შეცდომაში შეიყვანა მუშათა კლასისა და გლეხობის საგრძნობი ნაწილი. არჩევნებში მონაწილეობა მიიღო მხოლოდ ხმის უფლების მქონე მოქალაქეთა ნახევარზე ოდნავ მეტმა.

¹⁷ 1919 წლის დამდეგს დამფუძნებელი კრების არჩევნები ახალ აფხაში შევიდა. ამოძრავდნენ სტაუიანი პოლიტიკური პარტიები. ამ მომენტთან დაკავშირებით ახლად შექმნილი ორგანიზაციები და ჯგუფები,

ყველა მეტ-ნაკლებად აქტიურ მონაწილეობას იღებდა წინასაარჩევნო
ბრძოლაში.

გამ. „ერთობის“ რედაქცია 1919 წლის 12 იანვრის მოწინავეში
წერდა, რომ სოციალ-დემოკრატიულ პარტიას წინასაარჩევნო ბრძოლა
სამ ფრონტზე მოხედებაო. პირველი იქნება ფრონტი „საქართველოს
დამოუკიდებლობისათვის“. აյ ბრძოლა მოგვიწევს იმ პარტიების
წინააღმდეგ, რომელნიც არ აღიარებენ საქართველოს დამოუკიდებლობას.
მეორე იქნებაო „ფრონტი აგრარული საკითხისა“. ამ ასპარეზზე
შეტაკება მოგვიხდება იმ პარტიებთან და პიროვნებებთან, ვინც იწუნებს
პარლამენტის მიერ დამტკიცებულ და ნაწილობრივ უკვე
განხორციელებულ აგრარულ კანონს. მესამე, წერილის ავტორის აზრით,
იქნებოდა „ერთა შორის ურთიერთობის“ ფრონტი, სადაც სოციალ-
დემოკრატიული პარტია ბრძოლას გამართავდა ყველა ერისა და
ეროვნების ნაციონალისტებთან. ეროვნული შუღლისა და მტრობის
ყველა მოწადინეს ჩვენ დაგუპირისპირებთო ერთაშორის მშეიდობა-
თანხმობის დამყარების პოლიტიკას.

სოციალ-ფედერალისტური „სახალხო საქმის“ რედაქცია 1919
წლის იანვარ-თებერვლის ნომრებში მსხვილი შრიიფტით ბეჭდავდა
რუბრიკას: „ამხანაგებო! დამფუძნებელი კრების არჩევნები ახლოვდება,
უმოქმედობა დალატია პარტიის წინაშე. არ გამორჩეთ ამომრჩეველთა
სიაში, გააჩაღეთ საარჩევნო ბროდლა“. მოწინავე წერილის ავტორის
თქმით, არჩევნების შედეგად მოხდებოდა იმის შეფასება და გადასინჯვა,
რაც მოგვიმოქმედებდა თითქმის ამ ერთი წლის განმავლობაში; როგორ
უცქერის საქართველო წარსულ მოღვაწეობას პოლიტიკური
პარტიებისას, რა მიაჩნია მცდარად ან რისთვის არის საჭირო
ყურადღების მიქცვა. წერილში ისიც იყო აღნიშნული, რომ „ქართული
პარტიები გამოუკლებლივ იცავენ საქართველოს დამოუკიდებლობას,
უცხოელთა პარტიები კი გამოუკლებლივ მტრები არიან საქართველოს
დამოუკიდებლობისა“. ახლახანს გამოქვეყნდაო რუსეთის ესერთა
პარტიის დადგენილება. ისინი ბოიკოტს უცხადებენ საქართველოს
დამოუკიდებლივ კრების არჩევნებს, თავის პოზიციებიდან გონივრულადაც
იქცევიან. „მონაწილეობა რომ მიეღოთ გამოჩენდებოდა მათი სიკოტრე
და მერე უფლება აღარ ექნებათ ხალხის სახელით იღაპარაკონ“.
კიდევ უფრო სასტიკად იღაშქრებდა გაზეთი რუსეთის სოციალ-
დემოკრატიული პარტიის ადგილობრივი ორგანიზაციის წინააღმდეგ.
მისი მონაწილეობა საქართველოს დამფუძნებელი კრების არჩევნებში

უკანონობა და თავხედობა არისო. მაგრამ იმედია „საქართველოს მოქალაქენი კარგად გაარჩევენ ჩვენს მტერ-მოყვარეს, არც ერთი ჩვენი თავისუფლების მტრებს“¹⁷.

სოციალისტ-ფედერალისტებმა გამოაქვეყნეს მოწოდება – „საქართველოს მშრომელ ხალხს“, რომელშიც არსებითად ჩამოყალიბებული იყო პარტიის წინასაარჩევნო პროგრამა: „საქართველოს მშრომელი ხალხის ეროვნული თავისუფლების განმტკიცება მოითხოვს სახელმწიფოს შექმნას და ჩვენ აუცილებელ საჭიროებად მიგვაჩნია უახლოესი მონაწილეობა მივიღოთ საქართველოს დამფუძნებელი კრების არჩევნებში. ვეცდებით მოვაწყოთ ჩვენს ქვეყანაში ნამდვილი დემოკრატიული, სახალხო რესპუბლიკა, სადაც დაცული იქნება სრული თავისუფლება სიტყვის, წერის, სინდისის, კრების, კავშირების, გაფიცევების; ვეცდებით განვამტკიცოთ საქართველოში ხალხური წარმომადგენლობითი მმართველობა“. ს.ფ. პარტია რაიონების მოსახლეობას პირობას აძლევდა, რომ ფართო უფლება-კომპეტენციით აღვჭრვავთ ადგილობრივი თვითმმართველობის ორგანოებს, საქართველოს ფაქტორად თვითმმართველი ერთეულების ფედერაციულ კავშირად გადავაქცევთო. კიდევ შეტ უფლებას მოიპოვებენ აჯაზეოთ და სამაპმადიანო საქართველო. ისინი ავტონომიური რესპუბლიკების სტატუსს მიღებენ. შემდეგ მოწოდების ავტორები ხაზგასმით აღნიშნავენ, რომ ჩვენ მუშა ხალხის პარტია ვართ და ამიტომ უპირველეს ყოვლისა მუშათა მდგომარეობის გაუმჯობესებისათვის ვიღვაწებთო. მოვითხოვთ, რომ გაძლიერდეს მუშების როლი მრეწველობის მართვა-გამგეობაში, რომ მათ ხელფასის გარდა წილი დაედოთ წარმოების მოებაში. რაკი გლეხობის მდგომარეობა ძირითადად დამოკიდებულია მიწის ფართობზე, მიკალწევთ, რომ მიწა ჩამოერთვას ყველა არამტრომელს და გადაუცეს უშუალო მწარმოებლებს. ვეცდებით, რომ მიწის მუშები შეამხანავდნენ და შეერთებული ძალით აწარმოონ მეურნეობა. მოწოდების ბოლოს ჩამოყალიბებული იყო სოციალისტ-ფედერალისტთა პარტიის დევიზი – „ყოველი ერი თავისთვის და ყველა ერი საერთო მიზნისათვის“¹⁸. ე.ი. საქართველოს მშრომელ მოსახლეობას მარტო პოლიტიკური დამოუკიდებლობის განმტკიცებისათვის როდი უნდა ებრძოლა. მას სხვა ერების მშრომელებთან სოლიდარული საქმიანობით გზა უნდა გაეკაფა სოციალიზმისაკენ.

სოციალისტ-ფედერალისტთა წინასაარჩევნო პროგრამა მნიშვნელოვანწილად უტოპიური იყო. მაგრამ იგი ასახავდა პარტიის



წევრთა უმრავლესობის შინაგან რწმენას. შეიძლება ბევრს ის სურვილიც ამოძრავებდა, რომ სოციალიზმის მიზნდევლი იდეა წარმოქმნას სოციალ-დემოკრატიისათვის, მისი მეშვეობით გაეზარდა თავის მომხრე ამოძრჩეველთა წრე.

სოციალ-დემოკრატიის იდეურ-პოლიტიკური დამარცხების სურვილი უფრო მკვეთრად არის გამოთქმული თ. ღლონტის წერილში – „შესრულებული მისია“. მასში ნათქვამია, რომ საქართველოს დამოუკიდებლობისათვის ბრძოლის პროცესში შექმნილი პარტიათა კავშირი ამ ბოლო დროს შესუსტდა. გამოიკვეთა აზრთა სხვადასხვაობა ეკონომიკური და სოციალური განვითარების გზებზე: „პარლამენტში ეკონომიკურმა საკითხმა ქართველობა გაჰყო ორ ნაწილად. ერთ მხარეს დადგნენ სოციალ-დემოკრატები და ეროვნულ-დემოკრატები, რომელთაც საფუძვლად ჰქონდათ ბურჟუაზიული პრინციპი, ხოლო მეორე მხარეს სოციალისტ-ფედერალისტები და სოციალისტ-რევოლუციონერები, რომლებმაც მმართველ პარტიას დაუპირისპირეს სოციალური პოლიტიკა. ამ ორ ძირითად პრინციპს შორის ატენილი ბრძოლით თავდება საქართველოს პირველი პარლამენტის მუშაობა. ამ დავიდარაბით გადადის ჩვენი საზოგადოება დამფუძნებელი კრების მუშაობის ხანაში. ეს მომენტი ის მთავარი ღერძია, რომლის გარშემო მოელი ჩვენი საზოგადოება იტრიალებს განვითარების შემდგომ ხანაში“. აქვე თ. ღლონტი დიდი რწმენით იმასაც წერს, რომ სოციალ-დემოკრატიამ თავისი მისია უკვე შეასრულა, თავისი დრო მოჭამა. „საქართველოს ახალი ცხოვრება უკვემდება შეიქმნებასოციალ-დემოკრატიული პარტიის გარეშე“.¹⁸ ავტორი, მართალია, აზრს არ ამთავრებს, მაგრამ ცხადია, ახალი ცხოვრების შემოქმედად მას, უპირველეს ყოვლისა, სოციალ-ფედერალისტთა პარტია მიაჩნდა.

საზოგადო მოღვაწეთა, მოქადაქეთა ერთი ნაწილის აზრით, პარტიათა იდეურ-პოლიტიკური ბრძოლა დიდ ვნებას აყენებდა ქართველი ერის, საქართველოს ინტერესებს. „სახალხო საქმის“ რედაქცია, კერძოდ თ. ღლონტი ამ თვალსაზრისს არ ეთანხმებოდა და ამბობდა, რომ აქამდე ჩვენი პარტია იბრძოდა ქართველი ერის პოლიტიკური გაერთიანებისათვის, ამიერიდან მისი მთავარი მიზანია საქართველოს სხვადასხვა კლასების სოციალური შერიგება, ქვეყნის ეკონომიკური აღორძინება. ამის მთავარი საფუძველი კი მიწაზე საზოგადოებრივი საკუთრების დამყარება არისო. დამფუძნებელ კრებაში სავსებით გაიშლება პოლიტიკური პარტიების ბრძოლა ეკონომიკურ და

სოციალური საკითხების გარშემო. „მაგრამ ეს არ იქნება საზოგადოების დაშლა. ეს იქნება აზროვნების გაცხოველება. კრიტერიუმებისა და პრინციპების ჭიდღილი. მომავალი ბრძოლა დამუჟერებელ კრებაში ნამდვილი დასაწყისი იქნება სოციალ-დემოკრატიული პარტიის არსებობის დასასრულისა“. სოციალ-დემოკრატიას აღარ გააჩნია აზალი ცხოვრების შესაფერისი აზრები და ამიტომ ეს პარტია და მისი გმირები წარსულს ეკუთვნიან. ჩვენ პატივს ვცემთ მათ დამსახურებას, მაგრამ ამ გადაგვარუებულ სოციალისტურ პარტიასთან კავშირს ვწყვეტით და საკუთარი იდეალების შესაბამის მოქმედებას ვიწყებთ.¹⁹

ორიოდე დღის შემდეგ თ. ღლონტი უფრო კონკრეტულად წერდა და მკითხველს არწმუნებდა, რომ სოციალ-დემოკრატთა რადიკალური პარტია რეფორმისტულ მიმდინარეობად გადაგვარდათ. „ზომიერი თავისუფლება, ...თავისუფალი ეკონომიკური ალებ-მიცემობა, მიწების კერძო საკუთრებად გამოცხადება, ყიდვა-გაყიდვა, იჯარა, დაქრისავებული შრომა, კერძო ბანკების სისტემა და სხვ. ეს შეადგენს სოციალ-დემოკრატიის ფილოსოფიას. დიდი რეფორმუციის ასე გადახურდავებას არათუ უარყოფებ და მაღავენ, პირიქით, ამ ხასიათის პოლიტიკას მეცნიერულ სარჩელს უდებენ“ ამას მივაპყრობო მშრომელი ხალხის ყურადღებას, იმიტომ რომ სოციალ-დემოკრატებმა თავის პრაქტიკულ საქმიანობით „უკვე შექმნეს სოციალიზმის ერთგვარი კრიზისი, ...ეს კრიზისი დაუყონებლივ უნდა მოვსპორ და ხალხს მიცემთ ის მომავალი, რომელსაც მოითხოვს თავის არსებობის უზრუნველსაყოფად“²⁰.

ყოველ პოლიტიკურ პარტიას და საზოგადოებრივ ჯგუფს უფლება ჰქონდა საარჩევნო კომისიაში წარედგინა დაპუტატობის 130 კანდიდატი. სოციალ-ფედერალისტებმა, მაგალითად, თავის პარტიის №5 სიაში შეიტანეს: გ. ლასნიშვილი, ვრ. რცხილაძე, შ. ნუცუბიძე, ს. ფირცხალავა, შ. ალექსი-მესხიშვილი, ი. ბარათაშვილი, ი. გელეგანიშვილი, ს. ძლიერი, თ. ღლონტი, ს. დადიანი, ვრ. ლალიძე, გ. აზვლედიანი, აკ. შანიძე, ი. ყიფშიძე, მ. ბერძნიშვილი, ვრ. ლორთქიშვანიძე, კ. ბერიძე, ს. ხუნდაძე, კ. მოდებაძე და ქართველი ინტელიგენციის სხვა წარმომადგენლები. „სახალხო საქმე“ მოუწოდებდა ამომრჩევლებს (განსაკუთრებით გლეხებს) უნდობლობა გამოცხადებინათ სოციალ-დემოკრატებისათვის, რომელიც მარტო ქალაქის მუშებზე ზრუნავდნენ, სოფლის გლეხობას კი კონსერვატიულ ძალად თვლიდნენ და არც არაუერს აძლევდნენ. კიდევ უფრო ნაკლებ მხარდაჭერას იმსახურებენო ეროვნულ-დემოკრატები თავადაზნაურობის, მღვდლების, ბერების, ბურჟუაზიის



ინტერესების ეს დამცველები. იცოდეთ თუ ისინი არჩევნებში გაიმარჯვებენ, კაპიტალისტურ წყობილებას გააბატონებენ, ერთობლივ საფუძველს მოუშლიან, ხალხის ექსპლოატაციას დაკანონებენო. მოწოდების ბოლო ნაწილში ნათქვამია: არჩევნების წინა დღეებში თქვენთან მოვა „ის ხალხი, რომელზე შენ მრავალი ჭორი გაგიონია და შენვე არა ერთხელ გაგილანძლია.. შენთან მოვლენ სოციალისტ-ფულტრალისტები, რომელნიც კულტურულად გაიძახიან: მიწა მიწის მუშას უიჯაროთ და უსასყიდლოთ“. იცოდეთ ეს ხალხი გლეხის მხარეს არის, დაეხმარება მას პირადი ნაკვეთების დამუშავებაში, კოოპერატივების შექმნაში. „მაშ ხმა მიეცი მათ მეხუთე ნომერს, ხმა მიეცი შენზე მზრუნველ პარტიას“.²¹

ენა და გონება არც სხვა პარტიათა ლიდერებს და განათლებულ წევრებს უჭრიდა ნაკლებად. ყველამ გამოაქვეყნა წინასაარჩევნო პროგრამა. ყველა ცდილობდა ამორმჩეველთა ამა თუ იმ ფენის მხარდაჭერის მიღებას. ეროვნული დემოკრატებიც დიდ იმედს აქტუალურნებ ინტელიგენციაზე, ასევე გლეხობაზე, რომელიც, მათი პზრით, მიწების გაერთიანებისა და კოლექტიური მუურნეობისაკენ კი არ მიისწრავოდა (როგორც ამას ს. ფედერალისტები და ს. რევოლუციონერები მიიჩნევდნენ), არამედ მიწას კერძო საკუთრებად მოითხოვდა და ინდივიდუალურ მუურნეობაზე ამყარებდა იმედს. რაც შეეხება სოციალ-დემოკრატებს, მათი ოფიციოზი „ერთობა“ მახვილს მარჯვნითაც იქნევდა და მარცხნივაც, თანაც ეჭვი არ ეპარებოდა, რომ განმეორდებოდა წინა ორი წლის ისტორია (შედევლობაში ჰქონდა რუსეთის დამფუძნებელი კრებისა და ამიერკავკასიის სემის არჩევნები) და საქართველოს დამფუძნებელი კრების არჩევნებში ხმების აბსოლუტურ უმრავლესობას სოციალ-დემოკრატიული პარტია მიიღებდა.

დამფუძნებელი კრების არჩევნების წინა დღეებში ნ. უორდანიამ პარლამენტის სხდომაზე განაცხადა: „დღეს ჩვენ შეგვიძლია ვთქვათ, რომ საქართველო უკვე მიაღვა იმ ნაპირს, საიდანაც იწყება ხალხის ნორმალური განვითარება. დღეს უკვე გვაქვს გარკვეული სოციალური და პოლიტიკური წყობა, მხოლოდ საჭიროა მივცეთ მას იურიდიული და კონსტიტუციური ფორმა, რასაც შეასრულებს უახლოეს ხანს მოწვეული დამფუძნებელი კრება“. საქართველოს შინაპოლიტიკური და საერთაშორისო ძღვიმარება, თქვა შეძლებ მთავრობის თავმჯდომარემ, საკმაოდ მტკიცეა. შედარებით როგორ ვითარებაა განაპირა მსარებები

(ბათუმის და სოხუმის ოლქები, ახალციხე-ახალქალაქის მაზრები) მტრებს ვებრძვით, ვიცავთ საქართველოს ამ განუყოფელ ნაწილებს ჩვენ მივდივართ ამ განაპირა მხარეებში იმ მიზნით, რომ დაეკემაროთ მათ ადგილობრივი თვითმმართველობის დემოკრატიული ინსტიტუტების შექმნაში. ქართველ მუსლიმანებს, აფხაზებს, სომხებს ჩვენ ვეუბნებით, რომ აუცილებელია ცენტრისა და პერიფერიების მჭიდრო კავშირი, თანხმობით მუშაობა. განაპირა მხარეების სოციალ-ეკონომიური და კულტურული მდგრადირეობა თავისებურია. ჩვენ ანგარიშს ვუწევთ იქაური მოსახლეობის ზნე-ჩვეულებას, ტრადიციებს და ამიტომ მთავრობამ გადაწყვიტა მისცეს აფხაზეთსა და სამუსლიმანო საქართველოს ავტონომია. მხოლოდ იმ პირობით, რომ დაცული იქნება საქართველოს ტერიტორიული, პოლიტიკური და ეკონომიური მთლიანობა. ყველაფერ ამაზე თავის კომპეტენტური სიტყვა დამფუძნებელმა კრებამ უნდა თქვას“.²²

მთავრობის თავმჯდომარის ამ გამოსვლის ძირითადი აზრი ის იყო, რომ საქართველოს დროებითმა პარლამენტმა და მთავრობამ მხოლოდ მოსამართებელი მუშაობა ჩაატარა. ქართული ეროვნული სახელმწიფოს მყარი, კონსტიტუციური შენობის აგება და პერსპექტივული პროგრამის ჩამოყალიბება კი დამფუძნებელი კრების ფუნქციას შეადგენდა.

დამფუძნებელი კრების არჩევნები 1919 წლის 14, 15 და 16 თებერვალს გაიმართა. მასში სხვადასხვა მიზეზების გამო მონაწილეობა ვერ მიიღო ბათუმის ოლქის, ბორჩალოს, ახალციხე-ახალქალაქის მაზრების, ხევსურეთისა და სვანეთის მოსახლეობამ. ცენტრალურმა საარჩევნო კომისიამ კანონიერად სცნო 505477 ხმა. აქედან მიიღო: სოციალ-დემოკრატიულმა პარტიამ 409766 ხმა, სოციალისტ-ფედერალისტებმა – 33721, ეროვნულ-დემოკრატებმა – 30154, სოციალისტ-რევოლუციონერებმა – 21721 ხმა. სხვა პარტიები და საზოგადოებრივი ჯგუფები ძალიან ჩამორჩნენ. საქართველოს რადიკალურ-დემოკრატიულმა პარტიამ მიიღო 3107 ხმა, ნაციონალისტურმა პარტიამ – 1533, მემარცხენე სოციალ-ფედერალისტებმა (მაშვრალები) – 1616, დამხაცუტებელმა – 2353, დამოუკიდებელ უპარტიოთა კავშირმა – 799, რუსეთის სოციალ-დემოკრატიული პარტიის ადგილობრივმა ორგანიზაციამ – 779 ხმა.

საქართველოს დამფუძნებელ კრებაში სოციალ-დემოკრატებმა გაიყვანეს 109 დეპუტატი, ეროვნულ-დემოკრატებმა – 8 (ნ. ნიკოლაძე, სპ. კედია, გ. გვაზავა, ე. თაყაიშვილი, ი. მაჭავარიანი, ალ. ასათიანი, ჰ.

სურგულაძე, გ. ქიქოძე), სოციალისტ-ფედერალისტებმა – 8 (გ. ლასხიშვილი, გ. რცხილაძე, შ. ნუცუბიძე, ს. უირცხალავა, გ. აღმუშავია) მესხიშვილი, ი. ბარათაშვილი, ი. გვედევანიშვილი, ს. მდივანი). სოციალისტ-რევოლუციონერებმა – 5 დეპუტატი (ლ. შენგელაძა, ივ. გობერია, იოს. გობერია, გ. ანთაძე, ნ. ნუცუბიძე). 1919 წლის აგვისტოში ჩატარდა დამატებითი არჩევნები, რომლის შედეგად დაშნაკუტუნმა საქართველოს დამფუძნებელ კრებაში გაიყვანა 3 დეპუტატი. ამავე არჩევნების შედეგად დამფუძნებელ კრებაში შევიდა ქართველი ნაციონალისტების ლიდერი გრ. ვეშაპელი და სოციალისტ-ფედერალისტი ს. დადიანი.²³

დამფუძნებელი კრების არჩევნების კანონიერება და გამოქვეყნებული შედეგები ეჭვქვეშ დააყენეს ეროვნულ-დემოკრატებმა და სოციალისტ-ფედერალისტებმა. მათ აღნიშნეს, რომ საარჩევნო კომისიების უმრავლესობა ერთფეროვანი იყო, მათში მხოლოდ სოციალ-დემოკრატები შედიოდნენ. ისინი გავლენას ახდენდნენ ამომრჩევლებზე, არასწორად თვლიდნენ ხმებს. ალ. ასათავანბა განაცხადა: „წარმომადგენლობითი ორგანოს შექმნა... მხოლოდ მაშინ შეიძლება, თუ საარჩევნო მუშაობის დროს კანონი სავალდებულოდ იქნება მიჩნეული და ერთნაირი უფლებით იქნებან აღჭურვილი ყველა პარტიის. თუ კანონს არავითარი ანგარიში არ გაეწია, „პარტიულ ძალთა განწყობილების სისტემით“, მმართველი პარტია ყოველთვის მოახერხებს ისეთი შედეგების მიღებას, როგორიც ესურვება. ეროვნულ-დემოკრატიულმა ფრაქციამ საჭიროდ დაინახა ამ მოვლენების აღნიშვნა, მაგრამ არა იმისათვის, რომ დამფუძნებელი კრების სუვერენობა უარყოს, არამედ იმისათვის, რომ ეს მძიმე შედეგები არ იქნეს დავიწყებული დამფუძნებელი კრების მიერ მაშინ, როდესაც იგი საარჩევნო კანონის შემუშავებას შეუდგება მომავალი პარლამენტისათვის“.²⁴

მმართველი პარტიისადმი საყვედერი და ბრალდება უფრო აშკარად გამოიქვა გაზ. „საქართველოს“ რედაქციამ: „ბრძოლა სოციალ-დემოკრატიასა და ეროვნულ-დემოკრატიას შორის არ იყო თანასწორი. სოციალ-დემოკრატების ხელში იყო მთელი აღმინისტრაციული პარტია და ამის გარდა აუარებელი მატერიალური რესურსები“. მართალია, მთავრობამ თითქოს აკრძალა აღმინისტრაციის ჩარევა არჩევნებში, მაგრამ ეს უკავშირი უკავშირი დარჩა. „სოციალ-დემოკრატებმა მარჯვედ გამოიყენეს აღმინისტრაცია და მათი გამარჯვება არჩევნებში ამით უზრუნველყოფილი გახდა კიდეც“.²⁵



მიუხედავად ამისა, გაზეთს არ უარყოფის არჩევნების დიდი მნიშვნელობა, გამოცხადა, რომ შეიქმნა ლეგიტიმური საკანონმდებლო ხელისუფლება, დაიწყო ახალი ხანა ქართველი ხალხის ცხოვრებაში. „დიდი იმედებით აღსავსენი მივესალმებით ამ ახალ ხანას და ვდღესასწაულობთ იმ წმინდა საიდუმლოს, როდესაც ქართველი ხალხი უზენაესი უფლებით შეიმოსა და პოლიტიკური მოქმედების სუბიექტად გადაიქცა“.²⁶

დამფუძნებელი კრების პირველი სხდომა 1919 წლის 1 მარტს ს. ჯიბლაძემ გახსნა. მან აღნიშნა, რომ დამოუკიდებელი საქართველოს დროუბითმა პარლამენტმა და მთავრობამ შესძლო გარეშე და შინაური მტრების მოგერიება, სიძნელეები ჯერ კიდევ ბევრია, მაგრამ ხალხი, რომელიც მრავალი საუკუნის განმავლობაში ახერხებდა თავის ვინაობის დაცვას, არ დაიღუპება, დემოკრატიული რევოლუციის მონაპოვარს შეინარჩუნებს და დამფუძნებელი კრების მეშვეობით ეროვნულ სახელმწიფოს სრულყოფს.²⁷

1919 წლის 14 მარტს დამფუძნებელი კრების პირველი სესიის მეორე სდომაზე მთავრობის საქმიანობის ანგარიშით გამოვიდა 6. უორდანია. ჩვენს მთავრობას, განაცხადა მან, დაკისრა მეტად რთული მისია — ომისა და რევოლუციის ქრცეცხლში უვნებლად გამოეტარებინა საქართველო. დღეს თამამად შეგვიძლია ვთქვათ, რომ ეს ისტორიული დანიშნულება და ხალხის ნდობა მთავრობამ გაამართლათ. მინისტრთა კაბინეტის დიდ დამსახურებად 6. უორდანიამ მიიჩნია ეროვნული და დემოკრატიულ ძალთა ერთიანობის განმტკიცება. მთავრობას არ წამოუყენებია არცერთი ისეთი ლოზუნგი, არ მიუღია არცერთი ისეთი კანონი, რომელიც ჩამოაშორებდა ერის რომელიმე ფეხას, ურის რომელიმე სასიცოცხლო ელემენტს.

6. უორდანიამ მთავრობის სწორი გეზის დამადასტურებლად გამოაცხადა ის, რომ საქართველო შექრდა რევოლუციის ბერეუაზიულ ეტაპზე; საფუძველი ჩაეყარა დემოკრატიულ სახელმწიფოს, გატარდა აუცილებელი რევოლუციი, ჩამოყალიბდა გვარდია, იქნება რეგულარული არმია. რევოლუციის პირველ თვეებში შექმნილ გვარდიას ბევრი მოწიანაღმდეგე ყავდა, მაგრამ მოხალისეთა სახელოვანმა საქმეებმა მისაღმი უნდობლობა გაფანტა. არანაკლები ყურადღება ექცევილა რევოლუციული ჯარის შექმნას, მაგრამ ამ სფეროში ჩვენს მიერ გატარებულ ღონისძიებებს ჯერ არ მოჰყოლიათ დიდი შედეგი. „ერთი კი მაინც ფაქტია. ჩვენი შეიარაღებული ძალების საშუალებით



ძირითადად შევინარჩუნეთ საშინაო და საგარეო მყუდროება“.

საქართველოს პრემიერმა აღიარა, რომ რესპუბლიკა ფინანსურირებული სიძლიერებს განიცდიდა. „როცა საქართველოს დამოუკიდებლობა გამოვაცხადეთ, ხაზინა სრულიად ცარიელი იყო. მიუხედავად ამისა დღემდე სული მოვიტანეთ ისე, რომ საგარეო ვალი არ აგვიღია. რაკი შემოსავლის წყაროები თითქმის არ გავაჩნდა, ბონების ბეჭდვა დავიწყეთ. ამას მოჰყევა ფულის კურსის დაცემა. ე.ი. გამოცემული ბონები ჩვენი დეფიციტია, საშინაო სესხია“.

მთავრობის თავმჯდომარემ თავის გამოსვლა ასე დაამთავრა: „რაც შეგვეძლო ვიმუშავეთ, რესეფის სხვა სახელმწიფოებთან და ერებთან შედარებით ჩვენი სახელმწიფო გემი შმვიდობით მოვიყვანეთ. ჩაიბარეთ ეს გემი, მიიღეთ სახელმწიფოს სადავე და გააკეთეთ ის, რაც ჩვენ ვერ გავაკეთეთ. პარლამენტის მთავრობა მიდის და ადგილს უთმობს დამფუძნებელი კრების მთავრობას“.²⁸

იმავე სხდომაზე დაისვა ახალი მთავრობის შედგენის საკითხი. სოციალ-დემოკრატიული ფრაქციის სახელით რ. არსენიძემ განაცხადა: უკვე არსებული პრეცენდენტის მიხედვით ჩვენ შეგვიძლია ავირჩიოთ თავმჯდომარე, რომელიც შეარჩევს მთავრობის წევრებს. ასეთი წესით შედგენილი მინისტრთა კაბინეტი უფრო შეთანხმებულად იმოქმედებს. თუმცა დამფუძნებელ კრებას იმის უფლებაც აქვს მთავრობის შველა წევრი თვითონ აირჩიოს და რესპუბლიკის სრულუფლებიანი წარმომადგენლის – პრეზიდენტის ინსტიტუტიც კი შექმნასო.

რ. არსენიძის ოჭოფულმა წინადადებამ კამათი გამოიწვია. შ. ნუცებიძემ განაცხადა – თუ მთავრობის შედგენა ერთ კაცს დაევალა სოციალისტ-ფედერალისტთა ფრაქცია კენჭისყრაში მონაწილეობას არ მიიღებსო. გ. გვაზავაშ მხარი დაუჭირა მხოლოდ თავმჯდომარის არჩევას და გაიღაშერა პრეზიდენტის ინსტიტუტის წინააღმდეგ. დაახლოებით ასეთივე აზრი გამოიქვა ივ. გობეჩიამ. მისი განცხადებით პრეზიდენტობის დაწესება არ იყო იოლად გადასაწყვეტი საქმე. ამ საკითხზე ჯერ საკონსტიტუცო კომისიამ უნდა იმუშაოსო. კამათში მონაწილეობა მიიღეს აგრძელებული კ. საყვარელიძემ, შ. ალექსი-მესხიშვილმა და სხვ. ბოლოს დამფუძნებელმა კრებამ დაადგინა: „საქართველოს რესპუბლიკის მთავრობის შესადგენად დამფუძნებელი კრება ირჩევს ერთ კაცს, რომელიც ნიშნავს მინისტრებს. მთავრობის თავმჯდომარე იმავდროულად არის უმაღლესი წარმომადგენელი რესპუბლიკისა“.²⁹

ამგვარად, დამფუძნებელმა კრებაშ უარყო განსაკუთრებული



უფლებებით აღჭურვილი პრეზიდენტის, სახელმწიფოს მეთაურის
არჩევის საჭიროება. მაგრამ მიზანშეწონილად მიიჩნია მთავრობის
თავმჯდომარის უფლება-მოსილების საკრძობლად გაფართოება,
საზღვრებს მიღმა სამყაროს წინაშე მისი სახელმწიფოს მეთაურის
სახით წარდგენა.

მთავრობის თავმჯდომარის უფლება-მოსილების გაფართოებას,
როგორც ჩანს წინააღმდეგობას უწევდნენ ოპოზიციური პარტიები.
აღნიშნული დადგენილების მიღებიდან ორი დღის შემდეგ შ. ნუცუბიძე
წერდა: „დამფუძნებელი კრების მეორე სხდომაზე სოციალ-
დემოკრატიულმა ფრაქციამ დააყენა საკითხი რესპუბლიკის უმაღლესი
წარმომადგენლის შესახებ. ჩვენ ამაში დავინახეთ პოლიტიკური
კონტრაბანდა და განვაცხადეთ, რომ ეს საკონსტიტუციო საკითხია
და უნდა გადაიღოს კონსტიტუციის მიღებამდე. არსებითად ჩვენ
პრეზიდენტის განსაკუთრებული ინსტიტუტის შექმნის წინააღმდეგი
ვიყვათ და ვართ. „ჩვენ გვყვავდა დიქტატორი (ნ. უორდანია ა.დ.) და
მის არსებობას ვურიგდებოდით გარდამავალ ხანაში. დამფუძნებელი
კრების მუშაობა უნდა დაწყებულიყო ყოველივე განსაკუთრებული
მდგომარეობის მოსპობით და კონსტიტუციის შემუშავებით“.³⁰

სოციალ-დემოკრატიულმა ფრაქციამ მთავრობის თავმჯდომარის
პოსტზე კვლავ ნ. უორდანიას კანდიდატურა დაასახელა. მას მხარი
დაუჭირეს ეროვნულ-დემოკრატებმაც. სოციალისტ-ფედერალისტთა
და ესერთა ფრაქციებმა კენჭისყრაში მონაწილეობა არ მიიღეს, მაგრამ
ამან ვერ დააბრკოლა ხმების აბსოლუტური უმრავლესობით პრემიერად
ნ. უორდანიას არჩევა. 1919 წლის 21 მარტს მან გამოაცხადა
მინისტრთა კაბინეტის შემადგენლობა: საგარეო საქმეთა და იუსტიციის
მინისტრი – ე. გეგეჭკორი; შინაგან საქმეთა, სამხედრო და სახალხო
განათლების მინისტრი – ნ. რამიშვილი; მიწათმოქმედებისა და შრომის
მინისტრი – ნ. ხომერიკი; ფინანსთა და ვაჭრობა-მრეწველობის
მინისტრი – კ. კანდელაკი.³¹

ეროვნულ-დემოკრატიულმა ფრაქციამ, მართალია, ნდობა გამოუცხადა
ნ. უორდანიას, მაგრამ არ მოეწონა მისგან შედგენილი მთავრობა. გაზ. „საქართველო“ ამასთან დაკავშირებით წერდა, რომ ძველ მთავრობაში
ყოველ სამინისტროს თითო პირი განაეხდა, ახლა კი ერთ პიროვნებას
ორი და სამი სამინისტრო დაუქვემდებარესო. მთავრობის
რეორგანიზაციის შედეგად მინისტრთა პორტფელები დაკარგესო
სოციალისტ-ფედერალისტებმა, ესერებმა და ეროვნულ-დემოკრატებმა.



მთავრობაში მთლიანად სოციალ-დემოკრატები გამატონდნენ. გამოქვეყნებული სწორად ასახა ეროვნულ-დემოკრატიული პარტიის განწყობილება. ცხადია, მისმა ლიდერებმა არ მოიწონეს კოალიციური, მრავალპარტიული მთავრობის ნაცვლად ერთგვაროვანი სოციალ-დემოკრატიული მთავრობის ჩამოყალიბება. მინისტრთა კაბინეტის მიღმა სხვა პარლამენტური პარტიების დატოვება.

სოციალ-დემოკრატიულ პარტიას, ეკრობაში არსებული პრაქტიკის შესაბამისად, რაკი დამფუძნებელ კრებაში აბსოლუტური უმრავლესობა მიიღო, უფლება პქნონდა ერთპარტიული მთავრობა შეექმნა და ჩამოყალიბა კიდეც. მაგრამ ფაქტია, რომ ამან გააძნელა პოლიტიკური პარტიების კონსენსუსი, ოპოზიციის კონსტრუქციული მუშაობა, გარკვეული სიძნელეები შექმნა ხელისუფლების საკანონმდებლო და აღმასრულებელი ორგანოების საქმიანობაში. დამფუძნებელ კრებაში, კერძოდ, მმართველ პარტიასა და ოპოზიციურ ფრაქციებს შორის იმაზე გაცილებით მკაცრი ბრძოლა გაჩაღდა, ვიდრე ამას ადგილი პქნონდა პარლამენტში. განწყობილება – ურთიერთობათა ეს ცვლილება ცხადი გახდა უკვე ახალი კაბინეტის დეკლარაციის, სამომავლო პროგრამის განხილვის დროს.

მთავრობის დეკლარაცია წაიკითხა ე. გეგეჭკორმა დამფუძნებელი კრების 21 მარტის სხდომაზე: „ასრულდა საქართველოს ერის სურვილი, შედგა სუვერენული ორგანო – დამფუძნებელი კრება, რომელიც მოწოდებულია შეიძუშაოს რესუბლიკის კონსტიტუცია და მტკიცე ნიადაგზე დაამკვიდროს დამოუკიდებელი და დემოკრატიული სახელმწიფო.მართალია, ჩვენს ნორჩ რესუბლიკას ჯერ კიდევ მრავალი დაბრკოლება ეღობება, მსოფლიო სამშვიდობო კონგრესს თავის სიტყვა ჩვენი დამოუკიდებლობის შესახებ არ წარმოუთქვამს, მაგრამ სრული იმედით შევცურებთ მომავალს. ხალხი, რომელმაც სძლია რეაქცია და მოიგერია უცხო ძალთა თავდასხმები, უეჭველია შეინარჩუნებს თავისუფალ პოლიტიკურ არსებობას“.

ე. გეგეჭკორმა შემდევ აღნიშნა, რომ მთავრობა მიზნად ისახავსო მართვა-გამგეობის გამარტივებას და გაიაფებას. ის შეეცდება რაც შეიძლება მალე განსაზღვროს აფხაზეთისა და სამუსლიმანო საქართველოს სტატუსი, სრულყოს სამაზრო და საქალაქო თვითმმართველობათა სტრუქტურა, დაამთავროს სასამართლო რეფორმის გატარება. ღარიბ გლეხთა მიწით უზრუნველყოფის მიზნით მთავრობა გააგრძელებს აგრარული რეფორმის დაჩქარებით განხორციელებას



და ხელს შეუწყობს ინტენსიური სასოფლო მურნეობის აღორძინებული დეკლარაციაში სიამოვნებით არის აღნიშვნული, რომ „კოპერატურული“ საზოგადოებანი დღითიდლე მაგრდებიან და ფართო შემოქმედებით უნარს იძენენ საწარმოო და სააღებმიცემო ასპარეზზე. მთავრობა მიზნად ისახავს მათ დახმარებას, ამ გზით საზოგადოებრივი საკუთრების გაფართოებას და მის ხალხის საკეთილდღეოდ გამოყენებას. მთავრობა მთელი თავისი ძალონით შეცდება შრომის ინტერესების დაცვას და სოციალური კანონმდებლობის ფართო საფუძველზე აგებას“.

დეკლარაციის ბოლო ნაწილში იმედი იყო გამოთქმული, რომ მთავრობა, დამფუძნებელი კრების დახმარებით, შეასრულებდა მმიმე მოვალეობას, აღმოფხვრიდა დაბრკოლებებს, დაიცავდა რესპუბლიკის დამოუკიდებლობას, აამაღლებდა ხალხის კეთილდღეობას.³²

მთავრობის დეკლარაცია, მართალია, შეიცავდა დემოკრატიული სოციალიზმის პროგრამულ ელემენტებს, მაგრამ ამან ესერები და სოციალისტ-ფედერალისტები ვერ დააკმაყოფილა. ამიტომ მათ მთავრობის მომავალი მუშაობის გეგმა მარცხნიდან გააკრიტიკეს. ეროვნულ-დემოკრატიულმა ფრაქციამ კი მემარჯვენი პოზიცია დაიკავა.

სოციალისტ-ფედერალისტთა ფრაქციის სახელით შ. ალექსი-მესჩიშვილმა განაცხადა, რომ ახალი მთავრობა არსებითად იმურებს ძველ პროგრამას, რაც ახლა, მსოფლიო რევოლუციური პროცესის გაღრმავების პირობებში, საქმარისი აღარ არისო. „ჩვენ მოწმენი ვართ რესეტში და ევროპაში შრომისა და კაპიტალის, სოციალიზმისა და იმპერიალიზმის ბრძოლისა. რევოლუციურმა ქარცეცხლმა ნათლად დაანახვა თვით იმპერიალისტებსაც კი, რომ ძველ სოციალურ ურთიერთობათა დაბრუნება შეუძლებელია., ... მიუდვომელი მეთვალყურეებისათვის აშკარა უნდა იყოს, რომ ჩვენ ვიმყოფებით გარდამავალ ხანაში და დღესვე უნდა ჩაეყაროს მტკიცე საფუძველი მომავალ სოციალისტურ წყობილებას. სოციალისტური მთავრობა, სოციალისტური დამფუძნებელი კრების ნდობით აღჭურვილი, ვალდებულია გაბეჭდული ნაბიჯი გადადგას, თორებ იმ გზით, რომელიც დეკლარაციაშია ნაჩვენები... ვერაფერს გახდება“³³.

კიდევ უფრო მკაცრად გააკრიტიკა მთავრობის დეკლარაცია, მისი ბურუუაზიულ-დემოკრატიული პროგრამა სოციალისტ-რევოლუციონერთა ფრაქციამ. ლ. შენგელაის განცხადებით, არა მეტვიკები, არამედ მხოლოდ ჭეშმარიტი სოციალისტები შესძლებდნენ ხალხის შეთაურობას, ისინი მოიპოვებდნენ შმრომელთა ნდობას და



შხარდაჭერას. ამის საფუძველს იძლევათ საქართველოს მოსახლეობის სოციალური სტრუქტურა, დამფუძნებელი კრების სოციალური შემადგენლობა; ჩვენს დამფუძნებელ კრებაში ფეოდალურ არისტოკრატიას არცერთი კაცი არ გააჩნია, ხოლო ბურჟუაზია მხოლოდ 8 დეპუტატით არისონ წარმოლგენილი. სოციალ-პოლიტიკურ ძალთა ასეთ განლაგებას ჩვენი მთავრობა ვერ იყენებსო რევოლუციის გაღრმავებისათვის. ლ. შენგელაიამ დამფუძნებელ კრებას აუწყა, რომ სოციალისტ-რევოლუციონერთა ფრაქცია იბრძოლებდა მთავრობის უკავლი აგრარული რეფორმის წინააღმდეგ, დაიცავდა მიწის სოციალიზაციის პროცესას, მოითხოვდა წარმოებაზე მუშათა კონტროლის დაწესებას, სამუშაო დღის შემცირებას, მხარს დაუჭერდა საზოგადოებრივი წარმოების განვითარებას.

დამფუძნებელი კრების ძირითად ამოცანად სოციალისტ-რევოლუციონერთა ფრაქციას მიაჩნდა: დემოკრატიულ თავისუფლებათა დაკანონება, სინდისის, სიტყვის, ბეჭდვის, პროფესიის, მიმოსვლის, გაფიცვების, კავშირების თავისუფლების უზრუნველყოფა, უპრეზიდენტო დემოკრატიული მმართველობის შექმნა, მართვა-გამგეობის სრული დეცენტრალიზაციის განხორციელება, სახალხო რეფერენდუმისა და საკანონმდებლო ინიციატივის დანერგვა.³⁴

დიამეტრალურად საწინააღმდეგო პოზიციიდან გააკრიტიკა ახალი მთავრობის სამოქმედო პროცესა (და საერთოდ სოციალისტური მიმართულების პარტიათა თვალსაზრისი) ეროვნულ-დემოკრატიულმა ფრაქციამ, რომლის სახელით სპ. კედიამ განაცხადა: „დამფუძნებელი კრების წევრნო! არასდროს ასეთის სიმკაცრით არ გამოვლენილა წინააღმდეგობა სინამდვილესა და იდეოლოგის შორის. ის გარემოება, რომ დამფუძნებელ კრებაში 120-ზე მეტი სოციალისტი ზის, ხოლო სინამდვილე ძალას გვატანს სახელმწიფოს ასაგებად საღი ბურჟუაზიული საფუძვლები და მეთოდი ვიზმაროთ, ეს გარემოება გვიჩვენებს, რომ სურვილი და დიდი რწმენა უძლეურია სოციალიზმის დასამყარებლად და სინამდვილის გარდასაქმნელად“. საქართველოს მოსახლეობამ, თქვა შეძლევ სპ. კედიამ, პირველად აირჩია დამფუძნებელი კრება, რომელმაც ჩვენი სახელმწიფოს ძირითადი კანონები უნდა მიიღოს. „ჩვენი მომავალი ნამოქმედარი განსაზღვრავს მომავლის მიმართულებას და ამიტომ ვერ ვიქნებით თავისუფალი ჩვენი უფლების მოხმარებაში. საქართველოს მარადიულ მიმდინარეობაში ჩვენი აქ ყოფნა ერთი წუთია და ამ წუთმა არ უნდა შეიწიროს ქვეყნის

უკვდავება. ამის ნიშნები კი ბევრია ჩევნს ყოველდღიურ მოქმედებაში.³⁵ შემდეგ ეროვნულ-დემოკრატიული ფრაქციის ლიდერმა აღმართავდა რომ მთავრობის შემადგენლობა არსებითად არ შეცვლილა და არც მისი პოლიტიკა შეიცვლებათ. ის პარტია, რომელსაც არასდროს პქრისა მიზნად საქართველოს სახელმწიფო ბრივი დამოუკიდებლობის აღდგენა და, რომელმაც გარემოების ძალადატანებით ჩაიბარა ქვეყნის მართვა-გამგეობის ტვირთი, ბუნებრივია, ვერ შესძლებდა შემოქმედებითი პოლიტიკის გატარებას, ჰეშმარიტად ეროვნული სახელმწიფოს აშენებას. სპ. კედის აზრით, სოციალ-დემოკრატიები ფსიქოლოგიურად არ იყვნენ მომზადებული სახელმწიფოს შექმნისა და მართვისათვის, რის გამოც ბევრი შეცდომები მოსდიოდათ საშინაო და საგარეო პოლიტიკაში. მთავრობის მანასიათებელიაო მუდმივი მერყეობა ინტერნაციონალიზმსა და ნაციონალიზმს შორის. „მეორეს მხრივ, მთავრობას დღესაც არ აქვს გამორკვეული სახელმწიფო ბრივი შემოქმედების ორიენტაცია, ის თუ რომელ პრინციპს მისცეს უპირატესობა და სახელმძღვანელოდ გაიხადოს, მოსკოვის პრინციპი თუ პარიზისა. ეს გაურკვევლობა კი უაღრესად მავნებელია და სახიფათო.. . . თუ რაიმე დადებითი იყო მთავრობის მოქმედებაში აქამდის, ეს იმდენად ხდებოდა, რამდენადაც იგი ხანდახან უახლოვდებოდა თავის მოქმედებაში იმ ბურუჟაზიულ ზომებს, რომლის დიდი შემოქმედებითი როლი ცხოვრებით და გამოცდილებით არის დადასტურებული. ხოლო რამდენადაც იგი შორდებოდა ამ ნაცად იარაღს და წაისოციალისტ-რევოლუციონერობდა, იმდენად მეტ ზიანს აძლევდა ჩევნს შინაგან და საგარეო მდგომარეობას“³⁵.

როგორც ვხედავთ, სოციალისტ-ფედერალისტები და სოციალისტ-რევოლუციონერები მთავრობას ბრალად სდებდნენ სოციალიზმის პრინციპებიდან გადახვევასა და ბურუჟაზიული პოლიტიკის გატარებაში, ეროვნულ-დემოკრატები კი პირიქით, მმართველ პარტიას ადანაშაულებდნენ სოციალისტური ექსპერიმენტებით გატაცებაში, ბურუჟაზიული საკუთრება-მუურნეობის შეზღუდვაში. ვინ იყო მართალი? საკუთარი პოზიციებიდან თითქოს ორივე მხარე ჰეშმარიტებას დაღადებდა. მაგრამ კრიტიკოსები ყოველთვის როდი ახერხებდნენ მოვლენების ობიექტურად შეფასებას. ოპოზიციონერებმა თითქმის არაფერი თქვეს იმაზე, რომ მთავრობა ცდილობდა კომპონმისული ხაზის გატარებას, შერეული საზოგადოებრივი წყობილების შექმნას. მართალია, თავისუფალ გასაქანს აძლევდა ქვრძო ინიციატივას,



კაპიტალიზმის განვითარებას, მაგრამ არც მოსახლეობის დაბალი ურთიერთობის სოციალური დაცვის საჭიროებას ივიწყებდა. ცდილობდა კლასობრივი ბრძოლის შესუსტებას. სოციალ-დემოკრატიულ მთავრობას ჰქონდა შესაძლებლობა კრიტიკით დახვედროდა და თავის პოზიციები ნაწილობრივ მაინც დაცვა.

1919 წლის 25 აპრილს დამტკიცდა დამფუძნებელი კრების რეგლამენტი, განისაზღვრა ამ უზენაესი საკანონმდებლო ორგანოს სტრუქტურა, მისი მუშაობის წესი. ამ რეგლამენტის საფუძველზე მოხდა დამფუძნებელი კრების პრეზიდიუმის და მუდმივი კომისიების არჩევნები.

დამფუძნებელი კრების დეპუტატებს შორის ცხარე ბრძოლა გაიმართა მუდმივი კომისიების შემადგენლობის დამტკიცების პროცესში. სოციალ-დემოკრატებმა ყველაზე მნიშვნელოვან კომისიებში მოითხოვეს ადგილების სამი მეოთხედი. ამას განსაკუთრებით მწვავე პროტესტით შეხვდა სოციალისტ-რევოლუციონერთა ფრაქცია. მისმა წარმომადგენლომა განაცხადა, თუ მშართველი პარტიის მადა არ შეიკვეცა, ზოგიერთი პარტია კომისიებში ვერცერთ ადგილს ვერ მიიღებსო. გ. გვაზავამ (ედ.) აღნიშნა: დამფუძნებელი კრების კომისიები რთულ საქმიანობას ეწევიან, ძირითადად იქ მზადდება კანონპროექტები, მიმდინარეობს ის უმთავრესი მუშაობა, რომელსაც ჰქვია შეთანხმება. ამიტომ სასურველია კომისიებში, შესაძლებლობის მიხედვით, ყველა ფრაქცია იყოს წარმომადგენილი. პროპორციულ წარმომადგენლობით სისტემას ანგარიში უნდა გაუწიოთ, მაგრამ არც მცირერიცხოვანი ფრაქციების კონსტიტუციური უფლებები უნდა დავარღვიოთ.

საბოლოოდ საკონსტიტუციო კომისიაში აირჩის: სოციალ-დემოკრატიული ფრაქციისაგან 9 კაცი (პ. საყვარელიძე, ლ. ანთაძე, გ. ფალავა, პ. გველიშვილი და სხვ.), სოციალისტ-ფედერალისტთავან – 2 კაცი – ი. ბარათაშვილი, ს. დადიანი, ეროვნულ-დემოკრატთა ფრაქციისაგან – გ. გვაზავა და სპ. კედია. დაშნაკებისაგან – ტ. ავეტიშვილი. საფინანსო-საბორჯეტო კომისიაში შევიდა 9 სოიალ-დემოკრატი, ორი სოციალისტ-ფედერალისტი, ერთი სოციალისტ-რევოლუციონერი, ერთი ნაციონალ-დემოკრატი.

დამფუძნებელი კრების ურთავლესობა წინააღმდეგი იყო საგარეო საქმეთა კომისიის შექმნისა, რამაც ეროვნულ-დემოკრატთა დიდი უკმაყოფილება გამოიწვია. გ. გვაზავამ ერთ-ერთ სხდომაზე განაცხადა: შვეიცარია ნეიტრალური ქვეყანაა, მას საგარეო საფრთხე არ ეშუქრება,

მაგრამ საგარეო პოლიტიკას მარტო ერთი პირი როდი განსაზღვრულა
მიუხდავად იმისა, რომ აშშ-ში აღმასრულებელი ხელისუფლება ჰქონდან
ძლიერია, დეპუტატთა პალატა ყოველთვის ირჩევს საგარეო საქმეთა
კომიტეტს. ვერც საქართველოს დამფუძნებელი კრება დარჩება გარეშე
მაფურებლის როლში. ზოგმა შეიძლება ასე დასვას საკითხი – ყველა
ხელშეკრულება, ყველა საგარეო პოლიტიკური აქტი ბოლოს მაინც
დამფუძნებელ კრებაში უნდა შემოვიდეს, აյ უნდა მოხდეს მათი
რატიფიკაცია და ამიტომ კომისიის შექმნა საჭირო არ არის. მაგრამ
თავისთვად რატიფიკაციას არ აქვს „დიდი მნიშვნელობა. საქმე წყდება
მაშინ, როცა მოლაპარაკებას აწარმოებენ და ხელშეკრულებას სღებენ,,
...მაშასადამე საჭიროა წინასწარ მივიღოთ მონაცილეობა მოლაპარაკებაში;
თავად საგარეო პოლიტიკური მიმართულების შემუშავებაში. ჩვენი
წინადაღება არის ავირჩიოთ საგარეო საქმეთა კომისია“ გ. გვაზავას
აზრით ამ კომისიაში უნდა შესულიყო 10 კაცი. ხუთი სოციალ-
დემოკრატი, ორი ეროვნულ-დემოკრატი, ორი სოციალისტ-ფედერალისტი,
ერთი – სოციალისტ-რევოლუციონერი. უმრავლესობის ფრაქციამ
ასეთ შემადგენლობას მხარი არ დაუჭირა. ბოლოს და ბოლოს საგარეო
საქმეთა კომისიაში შევიდა 5 სოციალ-დემოკრატი. ოპოზიციური
პარტიებიდან კი თითო წარმომადგენელი – გ. გვაზავა, ს. მდივანი, ივ.
გობეჩია.³⁶

ყველაზე რთული და ძნელი საქმე დაეკისრა საკონსტიტუციო
კომისიას. იგი ერთი წელი მუშაობდა საქართველოს კონსტიტუციის
პროექტის შედგენაზე და თითქმის ამდენსავე ხანს გაგრძელდა ამ
პროექტის განხილვა (შევსება, შესწორება), რაც დამფუძნებელი კრების
ფრაქციათა მწვავე დებატების ვითარებაში მიმდინარეობდა. პარალე-
ლურად სწარმოებდა მუშაობა კონკრეტული კანონების შესაღენად.

დამფუძნებელი კრების თავმჯდომარის ხელისმოწერით 1919 წლის
აპრილში დეპუტატთა შორის გავრცელდა ასეთი დოკუმენტი:
„ეროვნული საბჭოსა და პარლამენტის პრაქტიკაში დაგვანანხა, რომ
აქამდე არსებული ტექნიკა კანონპროექტების შეტანისა მეტის მეტად
უსრულო და ნაუცვათევი ხასიათისა იყო. კანონპროექტის ხეირად
არავითარი განმარტებითი მოხსენება არ ჰქონდა დართული,, ...ყოფილა
მაგალითი, როდესაც საკმაოდ რთული კანონპროექტის განსილვა
კომისიებში და პარლამენტში ორ-სამ დღეში დამთავრებულა“.

დამფუძნებელი კრების თავმჯდომარე შემდეგ აღნიშნავს, რომ
საკანონმდებლო მუშაობას ასეთი სწრაფი ტემპით წარმოება



მდგომარეობით იყო ნაკარნახევი. ახლად აღორძინებული სახელში იფოტებრივი ცხოვრება მოითხოვდა საკანონმდებლო ნორმების სწრაფად ჩამოყალიბებას და დაყოვნებას შეუძლებელი იყო. პარლამენტის ბევრი წევრი გრძნობდა ასეთი აჩქარების უარყოფით შედეგებს. გამოითქმოდა შენიშვნები იმის გამო, რომ კანონპროექტი ერთ ცალად შემოღილდა და ბუნებრივია, ყველას არ ეძლეოდა მისი შესწავლა-განხილვის შესაძლებლობა. დეპუტატები კანონპროექტებს ღებულობდნენ კომისიების მიერ ჩასწორებული სახით, მათ არ პქონდათ შედარების შესაძლებლობა. ასეთი პრიმიტიული წესი არ შეფერის კანონმდებელთა კრებულს და დამუშანებელი კრება ამას ვეღარ შეურიგდებათ.

თავმჯდომარე საკმაოდ კატეგორიული ტონით უცხადებდა დამფუძნებელი კრების წევრებს, რომ ამის შემდეგ ყველას უნდა შეესრულებინა დამფუძნებელი კრების მიერ შედგენილი რეგლამენტი. საჭიროა ვიცოდეთ, რომ საკანონმდებლო აქტი უნდა შედგებოდეს კანონის ტექსტის, კანონპროექტის განმარტებისა და სხვა მასალისაგან. მნიშვნელოვანი კანონპროექტები დასტამბული უნდა იყოს 200 ეგზემპლარად, სხვები მანქანაზე გადაბეჭდილი რამდენიმე ცალად.^{36a} ამ დოკუმენტის გავრცელებას სასურველი შედეგი მოჰყვა.

დამფუძნებელმა კრებამ 1919 წლის მაისში განიხილა კანონპროექტი მოქალაქეობის შესახებ: 1) საქართველოს მოქალაქედ ჩაითვლება ყოველი მცხოვრები, რომელიც მიწერილი იყო ქვეყნის რომელიმე ადმინისტრაციულ ერთეულზე 1914 წლის 19 ივნისამდე; 2) ყოფილი რუსეთის იმპერიის ქვეშევრდომი, რომელიც პირველ მუხლში აღნიშნულ მოთხოვნილებას არ აკმაყოფილებს, ...მაგრამ 1914 წლის იანვრიდან განუწყვეტლივ ცხოვრობს საქართველოს ტერიტორიაზე და სამი თვის ვადაში დღიდან ამ კანონის გამოქვეყნებისა განაცხადებს, რომ სურს საქართველოს მოქალაქეობა, მიღებულ იქნება საქართველოს მოქალაქედ; 5) ყოფილი რუსეთის იმპერიის ყოველი ქვეშევრდომი ქართველი, მიღებული იქნება საქართველოს მოქალაქედ, უკეთე სამი თვის განმავლობაში დღიდან ამ კანონის გამოქვეყნებისა, განაცხადებს ამის სურვილს; სათანადო განცხადებას შეიტანს საქართველოში მცხოვრები მომრიგებელ მოსამართლესთან, ხოლო უცხო სახელმწიფოში მცხოვრები მახლობელ კონსულთან. მე-9 მუხლის შესაბამისად საქართველოში პოლიტიკური უფლება პქონდა მხოლოდ რესპუბლიკის მოქალაქეს. სხვებს არ შეეძლოთ არჩევნებში მონაწილეობა.³⁷

ამ კანონპროექტის წინააღმდეგ გაილაშქრა სოციალუსტრიციანი რევოლუციონერთა ფრაქციამ იმ მოტივით, რომ იგი სხვა ეროვნული მოძღვანელების და ჩამოსულთა უფლებას კვეცავს. ივ. გობერიამ განაცხადა: „ეს კანონი მაშინ მიაღწევს თავის მიზანს, თუ ის სავსებით შეინარჩუნებს ინტერნაციონალურ სულს, თუ ჩვენ საქმით დავამტკიცებთ, რომ თავისუფალ საქართველოში ყველა თანასწორი არის“. არ შეიძლება საქართველოს მოქალაქეობა ძალით მივაღუბინოთ ვისმეს და არც ისეთი პირობები უნდა შევქმნათ, რომ ხელოვნურად დავაბრკოლოთ მოქალაქეობის მიღებაო. ასეთ დაბრკოლებას, მისი აზრით, ქმნიდა თარიღი 1914 წელი და მიწერა ამა თუ იმ ადმინისტრაციულ ერთეულზე. დასანანია, რომ სოციალ-დემოკრატები დასცილდნენ სოციალისტურ ეროვნულ პროგრამას, ინტერნაციონალურ პრინციპს და ნაციონალიზმის პოზიციაზე დადგნენო.

არსებითად განსხვავებული პოზიცია დაიკავეს სოციალისტურერალისტებმა და ეროვნულ-დემოკრატებმა. მათ მოიწონეს აღნიშნული კანონპროექტი. შ. ალექსი-მესხიშვილმა აღნიშნა, ამ კანონს პროტესტით მხოლოდ საქართველოს დამოუკიდებლობის მტრები შეხვდნენ. ივ. გობერია და მანი მისნი კანონს იმას უწუნებენ, რომ იგი ყველას არ აძლევს საქართველოს მოქალაქეობას. ივ. გობერიას უკვირს, რათაა აღებული ხანდაზმულობის თარიღად 1914 წლის 19 ივლისი? იმიტომ რომ ამ დღიდან საერთაშორისო ომის გამო აუარებელი ხალხი მოაწყდა ჩვენს ტერიტორიას. ყველა ეს ჩამოხიზნული ხალხი დარჩა საქართველოს ტერიტორიაზე და თითქმის ყველა ჩვენი დამოუკიდებლობის მტრია.

მოქალაქეობის კანონი, თქვა ბოლოს შ. ალექსი-მესხიშვილმა, დემოკრატიულიც არის და სამართლიანიც. ვისაც ეკუთვნის საქართველოს მოქალაქეობა თითქმის ყველა დებულობს. ამ მხრივ აბსოლუტურ თავისუფლებას დიდი სახელმწიფოებიც კი არ აცხადებენ, მათაც აქვთ დაწესებული შეზღუდვები. რაც უფრო მცირეა სახელმწიფო, მით უფრო ფრთხილად უნდა ეკიდებოდეს ქვეშვერდომობის კანონს, იმიტომ, რომ იგი უცხოელებს, რომელიც ჩვენს მოქალაქეობას დებულობენ, მოვალეობასთან ერად დიდ უფლებასაც აძლევს. ყველა შემოხიზნულს რომ მიწა გამოვუყოთ, ხომ მნიშვნელოვნად შემცირდება მკვიდრი მოსახლეობისათვის გადასაცემი ფართობები. გობერია უხეშად სცდება, იგი უცხოელების წისქვილზე ასხამს წყალს. არსებითად აქეზებ მათ მთავრობის წინააღმდეგ საბრძოლველად.³⁸

დამფუძნებელმა კრებამ ხმების აბსოლუტური უმრავლესობით უარყო /
სოციალისტ-რევოლუციონერთა შენიშვნები და მოქალაქეობის პარტიის
პირვანდელი რედაქციით დაამტკიცა.

საქართველოს რესპუბლიკის მთავრობის სტრუქტურაში თავის
მნიშვნელობით, ფუნქციების სიფართოვით ერთ-ერთი პირველი აღვილი
ეკავა შინაგან საქმეთა სამინისტროს. მის საქმიანობას შეხების
წერტილები პქნდა პოლიტიკურ პარტიებთან, ხალხთან, სოციალურ
მოძრაობასთან. ოპოზიცია ყველაზე მეტ ბრალდებას ამ სამინისტროს
უყვნებდა.

დამფუძნებელი კრების 90-ე სხდომაზე განიხილეს დეკრეტის
პროექტი შინაგან საქმეთა სამინისტროს კანცელარიის შტატებისა
და დაფინანსების შესახებ. ამ შინაარსის დეკრეტები ჩვეულებრივ
უმტკიცვნეულოდ განიხილებოდა, სათანადო თანხას ყველა სამინისტრო
და უწყება დებულობდა. მაგრამ ამჯერად საქმე გართულდა. ოპოზიცი-
ურმა პარტიებმა ეს კონკრეტული შემთხვევა გამოიყენეს სამინისტროს
მთელი მუშაობის შეფასებისათვის, მისი ნაკლოვანი მხარეების,
„დანაშაულის ტოლფასი“ შეცდომების კრიტიკისათვის.

სოციალისტ-რევოლუციონერთა ფრაქციის სახელით ი. ნუცუბიძემ
თქვა: „ხარჯთაღრიცხვის დადასტურება ნიშნავს სამინისტროსადმი
ნდობის გამოცხადებას, მისი მოღვაწეობის მოწონებას.,..ჩვენი ფრაქცია
არ უცხადებს მას ნდობას და ხარჯთაღრიცხვის დამტკიცებაზე უარს
ეუბნება“. შინაგან საქმეთა სამინისტროს, განაგრძო ორატორმა, დიდი
მოვალეობა აწევს, მაგრამ იგი ვერ დგას მოწოდების დონეზე. ჩვენი
ადმინისტრაცია თითქმის არ განსხვავდება მეფის მთავრობის
აღმინისტრაციისაგან. ამ აღმინისტრაციის ნაწილებს ძველებურად
განსაკუთრებული რაზმები და საიდუმლო აგენტები შეაღვენენ. ხალხსა
და ადმინისტრაციას შორის ხიდია ჩატეხილი. შინაგან საქმეთა
სამინისტრო თავის საქმიანობით ახშობს მოქალაქეობრიობის,
უფლებრიობის და სახელმწიფოებრიობის იდეას. ფაქტია, რომ
სამინისტროს აპარატი და მილიცია უცერემონიოდ ერეოდა საერობო
თვითმმართველობის არჩევნებში, მუქარით აიტულებდა ხალხს ხმა
მიეცათ სოციალ-დემოკრატების ნომერ პირველ სიისათვის.
„სამინისტროში – განაცხადა ბოლოს ი. ნუცუბიძემ – არიან ადამიანები,
რომლებიც მოგვავონებენ ოპრიჩინკებს. სანამ ადმინისტრაცია არ
დადგება უფლებრივ ნიადაგზე, სანამ ის არ შეიგნებს, რომ ხალხის
მსახურად და არა მისი მბრძანებელი, ...მანამდე ჩვენს კრედიტს ვერ
გავუჩნიოთ შინაგან საქმეთა სამინისტროს“.³⁹



კიდევ უფრო მკაცრად გამოვიდა ი. ნუცუბიძის თანაპარტიულების შენჯელაია. მისი განცხადებით შინაგან საქმეთა სამინისტრომ საჭიროებული გაუტეხა საქართველოს რესპუბლიკას, მის მთავრობას. ეს უწყება განუკითხავად მოქმედებსო ცენტრშიც და პერიფერიებშიც. ზოგიერთი მაზრის პოლიციის სათავეში ყოფილი ბოქაული დგას. ამის გარდა მიღიციაში ბევრი ნაყაჩალარი და ნააბრავალი მუშაობს. ისიც დასტურდება, რომ მათთან შეთანხმებით ყაჩაღებმა შვიდ უბნად დაჰყენს ზუგდიდის მაზრა და ხალხს კონტრიბუციას ახდევინებენ“.⁴⁰

სოციალისტ-ფედერალისტთა ფრაქციის სახელით შინაგან საქმეთა სამინისტრო გააკრიტიკა ს. დადიანმა. მანაც დაასახელა ნ. რამიშვილის უწყების მოხელეთა „დანაშაულებრივი ქმედების“ არაერთი ფაქტი. აგრეთვე აღნიშნა, რომ სამინისტრო ვერც ანარქიის აღკვეთით დაიკვეთნის. მან სახელი გაუტეხა ჩვენს საოცნებო სოციალიზმის იდეას და ვერც ეროვნული თავისუფლების განმტკიცების საქმეს ემსახურება. ამიტომ არაა გამორიცხული სამინისტროს მაღალ მოხელეებს ხალხმა უთხრას – მეტი ვერ გაგვიძროთლეთ, გადადექითო.⁴¹

შინაგან საქმეთა მინისტრმა ნ. რამიშვილმა საპასუხო გამოსვლაში აღნიშნა, რომ ოპოზიციას ვიწრო პარტიული ინტერესები ასულდგულებს. სოციალისტ-რევოლუციონერებმა ადგილობრივი თვითმმართველობის არჩევნებში მარცხი განიცადეს და ახლა ცდილობენ ეს მარცხი რაღაც სხვა ძალას გადააბრალონთ. მე არ მეგონა, რომ ცილისწამების გზას სოციალისტ-ფედერალისტებიც დაადგებოდნენ. ამ ბოლო დროს საქართველოს ზოგიერთ რაიონში მათაც დაკარგეს გავლენა და ალბათ ამიტომ შევიდნენო სოციალისტ-რევოლუციონერებთან ალიანსში.

6. რამიშვილმა შინაგან საქმეთა სამინისტროს დამსახურებად გამოაცხადა საქალაქო თვითმმართველობის დემოკრატიზაცია, მუნიციპალურ ორგანოთა რეორგანიზაცია და საერობო არჩევნების ჩატარება. მან ბრალი დასდო ოპოზიციას აშკარა ტენდენციურობასა და ჩასაფრებულ მტრობაში. თუ ოპოზიციას მართლაც ჰქონდა მიღიციასა და ბანდიტების კავშირის დამადასტურებელი მასალა, რატომ დროზე არ მოვგაწოდა? თუ სათანადო ზომებს არ მივიღებდით, კრიტიკით შემდეგ გამოსულიყო. სამინისტრომ ბევრი რამ ვაკეთა, გამოავლინა და აღკვეთა მთავრობის საწინააღმდეგო აჯანყების რამდენიმე მცდელობა, წარმატებას მიაღწია საერთოდ ანარქიასთან ბრძოლაში. ამ დიდი საქმეების შემსრულებლებს მაინც და მაინც

დიდი ხარჯები არ გაგვიწევია და ამდენად ოპოზიციის კრიტიკული
გამოსვლა კონსტრუქციულ ხასიათს არ ატარებსთ.⁴²

ოპოზიციას უკან არ დაუხევია, სრულიად დაუსაბუთებელი უწოდა
ნ. რამიშვილის თავის მართლებას. „ეს ის მინისტრია, — განაცხადა ი.
ნუცუბიძემ, — რომელიც არა თუ თავის მოღვაწეობის, არამედ ხაზინიდან
წაღებული ფულის ანგარიშსაც კი არ იძლევა. ეს ის მინისტრია,
რომელიც არავითარ პასუხისმგებლობას არ გრძნობს და კანონსაც
არ ემორჩილება“⁴³. ი. ნუცუბიძემ კვლავ დაასახელა სამინისტროს
მოხელეთა თვითნებობის ფაქტები, გაიმურა ბრალდება. რომ ეს უწყება
აბუთად ივლებს დემოკრატიულ პრინციპებს, პიროვნებას, სპობს სიტყვის,
ბეჭდვის, კრების თავისუფლებას.

დამფუძნებელი კრების მომდევნო სხდომაზე შ. ნუცუბიძემ სიამოვნება
გამოთქავა გამართული დებატების გამო. ამ გზით უზენაეს საკანონმდებ-
ლო ორგანოს მუშაობის ნორმალურ კალაპოტში ვაყენებთ, პარლამენტა-
რიზმის ტრადიციებს ვქმნითო. შ. ნუცუბიძის აზრით, სოციალ-
დემოკრატიას გარკვეული დისონანსი შემოჰქმნდა საპარლამენტო
საქმიანობაში, მის ურაქციას რატომღაც ყველა მინისტრის დაცვა
თავის მოვალეობად მიაჩნდა და ეს კიდევ უფრო ზრდიდა სხვა
პარტიების კრიტიკულ განწყობილებას. ორაქორმა ისიც აღნიშნა,
რომ სოციალ-დემოკრატიული ფრაქცია ცალკე პარლამენტია, იქ წყდება
თითქმის ყველა საკითხები და შემდეგ დამფუძნებელი კრების სხდომაზე
მტკიცდება. „ბატონებო! მიმართა ბოლოს შ. ნუცუბიძემ სოციალ-
დემოკრატ დეუტატებს — იქ, იმ ოთახში ნუ ქმნით თქვენ ქვედა
პალატას, ეს დამდუპველია სახელმწიფო ბრივი თვალსაზრისით.,
...ერთხელ და სამუდამოდ უნდა აღიაროთ, რომ ყალბი გზა გაქვთ
არჩეული, რომ თქვენ შექმნით უპასუხისმგებლო პარლამენტი და
მთავრობა“⁴⁴. შ. ნუცუბიძემაც დაგმო შინაგან საქმეთა სამინისტრო,
რომელიც მისი აზრით, განსაკუთრებით ბოროტად იყენებდა კანონს
ადმინისტრაციული წესით დაპატიმრების შესახებ.⁴⁵

6. რამიშვილმა კვლავ სცადა თავის პოზიციის დაცვა და განაცხადა:
„ჩვენი სამინისტროს გარშემო გაიმართა პარტიული ბრძოლა. საბუთები,
რომელიც აქ მოიყვანეს ამოკრეფული არის იმ სალაროდან, რომელსაც
კიწრო პარტიული ულუერი აზის“⁴⁶. ბრალმდებულთა საყურადღებოდ
6. რამიშვილმა თქვა, რომ სამინისტროს თავის მოქმედების დროს
ერთხელაც კი არ დაუღილესა კანონები, მათ უყრდნობოდათ. შევახსენებთ,
თუ რას დაღადებს ანარქიის წინააღმდეგ ბრძოლისათვის მიღებული


დროებითი დეკრეტი: „მიცეს შინაგან საქმეთა სამინისტროს უფლება
გააძვოს საქართველოს საზღვრებიდან, ან აუქრძალოს განსაზღვრულება
ადგილებში ცხოვრება, ან დაპატიმროს ყველა პირი, რომელიც თავის
მოქმედებით ზიანს აყენებს საქართველოს რესპუბლიკის ინტერესებს,
ან ცდილობს მისი მთლიანობის დარღვევას, სიტყვით, თუ წერილობით
ეწევა აგიტაციას რესპუბლიკის წინააღმდევ“. ამ დეკრეტზე დაყრდნობით
ვებრძოდით სახელმწიფოს მტრებს. ჩვენს წინააღმდევ გამოდიან
ბოლშევიკები და სხვა ფანალური ელემენტები. ამ გამოსვლებს ამზადებენ
იმ ფულით, რომელსაც აქ გზავნის საბჭოთა მთავრობა. ასეთ პირობებში
ოპოზიცია მოითხოვს იმ სისტემის შეცვლას, რომელიც რესპუბლიკაში
დაკანონდა რევოლუციის მთელი ისტორიით. თქვენ ფაქტურად აკეთებთ
რეაქციის საქმეს, ეხმარებით შაებნელ ელემენტებს, საქართველოს
მტრებს, შინაგან საქმეთა სამინისტრო კი მათ ებრძვის. შეიძლება
სამინისტროს ზოგი მოხელე სცოდავს, არა გამორიცხული უდანაშაულო
პირის დაპატიმრება და დასჯაც კი, მაგრამ ეს სისტემად არ ვიქცევია.⁴⁴

შინაგან საქმეთა სამინისტროს საქმიანობის გამო გამართული
დებატები ერთგვარად შეაჯამა პ. საყვარელიძემ. მან აღნიშნა, რომ
კრიტიკის მომხრე ვარ, მაგრამ ვგმობ დვარძლიან კრიტიკას, ...რომელიც
არაფერს კარგს არ ხედავს მოწინააღმდევის მოღვაწეობაში“. შეიძლება
მთავრობას, მის რომელიმე უწყებას შეცდომები მოსდის, მაგრამ ამისაგან
ძველ დემოკრატიულ სახელმწიფოთა მთავრობებიც არ არიან
დაზღვეული. დასავლეთის თავისუფალ სამყაროშიც აქვს ადგილი
ხელისუფლების ბოროტად გამოყენებას, პიროვნების უფლებათა
დარღვევას. ეს თავის დროზე კარგად იცოდნენ სოციალისტ-
ფედერალისტთა პარტიის წარმომადგენლებმა და როცა სამინისტრო
პორტფელებს ფლობდნენ თავადაც გმობდნენ არაკონსტრუქციულ
ოპოზიციას. ახლა კი, როცა ისინი აღარ შედიან მთავრობაში, „არავითარ
ბრალდებას არ ერიდებიან. ცდილობენ დაამცირონ მთავრობა. ეს არ
არის კეთილსინდისიერი ოპოზიცია“. რევოლუციონერი და
ოპოზიციონერი, განავრძო პ. საყვარელიძემ, რომელიც საფრთხეს არ
უშზადებს საქართველოს სახელმწიფოებრივ დამოუკიდებლობას,
ასატანია და მთავრობაც არაფერს ერჩის მათ. მაგრამ როცა მოდიან
რუსეთის ბოლშევიკური პარტიის წევრები, მათ შორის ქართველები
საქართველოს სახელმწიფოებრიობის მოსასპობად, ბუნებრივია,
წინააღმდევობას ვუწევთ მათ. ეს მთავრობის მოვალეობაა და თუ ამ
მოვალეობას არ არსულებს უნდა გადადგესო.⁴⁵



საქართველოს კონსტიტუციის შედგენის საკითხი ჯერ ამჟამად ეროვნულ საბჭოში დაისვა. მის სხდომებზე გარკვეული დრო ეთმისმომდევნებული დებატებს დემოკრატიისა და კონსტიტუციის ფორმის თაობაზე. დააფიქსირეს, რომ იმდროინდელ მსოფლიოში დემოკრატიული სახელმწიფოს სამი ფორმა ფუნქციონირებდა: 1) ამერიკული უფლებაგანაწევრებული დემოკრატია; 2) ფრანგული პარლამენტარული დემოკრატია; 3) შვეიცარული – პირდაპირი დემოკრატია. საქართველოს პარლამენტის საკონსტიტუციო კომისიამ, მართალია, უპირატესობა მიანიჭა შვეიცარულ დემოკრატიას და მის კონსტიტუციას, მაგრამ საჭიროდ მიიჩნია სხვა დემოკრატიულ სახელმწიფოთა კონსტიტუციების დებულებათა გამოყენება. ისიც ითქვა. რომ ანგარიში უნდა გაწეოდა ქართველი ხალხის ფსიქიკას, ყოფას, ზნე-ჩვეულებას, მოსახლეობის სოციალურ შემსადგენლობას.

დამფუძნებელი კრების მოწვევის შემდეგ საკონსტიტუციო კომისიის შემადგენლობაში დიდი ცვლილებები მოხდა და მისმა მუშაობამ უფრო ინტენსიური ხასიათი მიიღო, მაგრამ ეროვნულ-დემოკრატიულ ფრაქციას სრულიადაც არ აკმაყოფილებდა აღებული ტემპი. 1919 წლის ოქტომბრის თვეში მან დამფუძნებელი კრების პრეზიდიუმს წარუდგინა მოთხოვნა-წინადაღება, რომელშიც ნათქამი იყო: „დამფუძნებელი კრების პირდაპირი და უმთავრესი დანიშნულება არის „დაფუძნება“ სახელმწიფოებრივი წყობილებისა, ე.ი. შემუშავება იმ ძირითად დებულებათა, რომლის ფარგალში უნდა მიმდინარეობდეს უფლებრივი ცხოვრება სახელმწიფოსი. დამფუძნებელი კრება გაიხსნა 12 მარტს. იმ დღიდან უკვე გავიდა შვიდი თვე, მაგრამ დღემდე დამფუძნებელ კრებაში არც კი შემოტანილა კანონპროექტი კონსტიტუციისა“.

მიმართვის ავტორი შემდეგ აღნიშნავს, რომ ასეთი დაგვიანება ძალიან სახითვათო არისო. მოგეხსენებათ, რომ პარიზის კონფერენციაზე შეკრებილი გამარჯვებული სახელმწიფოები (ანტანტი) სრული ბატონია მდგომარეობისა. ისინი განსაკუთრებულ ყურადღებას ახლად შექმნილ სახელმწიფოებს აქცევნ, აფასებენ მათ ნაკლასა და დადგით მხარეებს. „ეს სწრაფად შეიგნეს უფრო მოწინავე ერებმა და შეიმუშავეს ძირითადი ფორმა სახელმწიფოებრივი ცხოვრებისა, ...მხოლოდ ჩვენ ვდგავართ ერთ და იმავე აღვილას“. ჯერ კიდევ ვერ შეგვიგნიაო, რომ საქართველოსათვის სასწრაფოდ აუცილებელია კონსტიტუცია. იგი, ჯერ ერთი შევიდობისან კალაპოტში ჩააყენებს ჩვენ შინაურ ცხოვრებას, განამტკიცებს ხალხში უფლებრივ შეგნებას, დაამყარებს წესრიგს.

მეორე, და რაც მთავარია კონსტიტუციას უფრო მეტი მნიშვნელობა აქვს საქართველოსათვის საერთაშორისო ურთიერთობის სფეროში მართვის ავტორი,
„არავისთვის არ არის საიდუმლო, — განაცრძობს მიმართვის ავტორი,
— რომ მსოფლიო ომის დამთავრების შემდეგ შეთანხმების სახელმწიფოებმა გამოუცხადეს ახალი ომი ბოლშევიკებს, როგორც უკიდურეს სოციალისტურ მოძრაობას. ამ სახელმწიფოთა ხელშია ცნობა თუ არ ცნობა ახლად დაბადეული სახელმწიფოებისა. ისინი დიდი სიფრთხილით და ჩაკვირვებით უყურებენ ყოველ ეროვნულ სულისკვეთებას და ნებისყოფას. თუ დაინახავენ, რომ ეს ნებისყოფა მიმართულია არა ანარქიისა და სამოქალაქო ომისაკენ, არამედ მისი მიზანია მხოლოდ უფლებრივი სახელმწიფოს შექმნა და წესიერების დამყარება, ეჭვი არ არის, რომ მათი თანავრძნობა ცოტად თუ ბევრად მოკოვებული იქნება. კონსტიტუცია არის სწორედ სარკე ამ ეროვნული ნებისყოფისა. ეს სარკე ჩვენ დროზე უნდა წარმოვადგინოთ იმ მსოფლიო სამსჯავროში, სადაც წყდება ჩვენი ბედი. იმისდამიხედვით, თუ რა პრინციპები დაედება საფუძვლად ჩვენს სახელმწიფოებრივ ცხოვრებას, დაგვაფასებენ და შეიძლება შეგვიყვანონ საერთაშორისო ოჯახში, როგორც სრულუფლებიანი წევრი“.⁴⁵

ამ მოთხოვნა-წინადაღებამ, როგორც ჩნდს იმოქმედა. საკონსტიტუციო კომისია ნოემბერ-დეკემბერში გაცილებით ენერგიულად ამოქმედდა. 1919 წლის ბოლოს კონსტიტუციის პროექტის ძირითადი მონახაზი უკვე არსებობდა. რომელსაც თან ერთვოდა ვრცელი განმარტებითი ბარათი. იქ ნათქვამი იყო: მართვა-გამგეობის აგებისა და ცალკეული ორგანოების ფუნქციონირების წესით დემოკრატიული სახელმწიფოები ერთმანეთისაგან მეტ-ნაკლებად განსხვავდებიან. საქართველოს კონსტიტუციის ჩვენს მიერ შედგენილი პროექტი შეეიცარულ-ფრანგულ მოდელს, პარლამენტური რესპუბლიკისა და უშავალო დემოკრატიის პრინციპს ჟრიფობა. პროექტის მიხედვით, უმაღლესი აღმასრულებელი ხელისუფლება ეკუთვნის მთავრობას, კოლეგიას, რომელიც პასუხისმგებელია პარლამენტის წინაშე. ამ სფეროში ნაკლებ გავლენა განვიცადეთ დემოკრატიული დასავლეთისა, რაღვან გაგვაჩნდა საკუთარი პარლამენტური პრეცედენტები. მთავრობის თავმჯდომარეს ირჩევდა ჯერ საქართველოს ეროვნული საბჭო-პარლამენტი, ბოლოს კი იგი აირჩია დამფუძნებელმა კრებამ და მას მიანდო კაბინეტის შედგენა. მთავრობის ჩამოყალიბების ამ წესში გაამართლა და საკონსტიტუციო კომისიას არ შეეძლო მისი უარყოფა.



განმარტებითი ბარათი ცხადყოფს, რომ დამფუძნებელ კრებაში მოვალეობა საკონსტიტუციო კომისიაში დებატები იმართებოდა სახელმწიფო გრატუნგის ფორმასა და შინაარსზე. ეროვნულ-დემოკრატები ახლა უკვე მოითხოვდნენ პრეზიდენტის ინსტიტუტის დაკანონებას. მათი აზრით, უპრეზიდენტოდ აღმასრულებელი ხელისუფლება მოკლებული იქნებოდა სიმტკიცეს და ავტორიტეტს, რადგან მთავრობის კრიზისის დროს სახელმწიფოს არ ეყოლებოდა უმაღლესი წარმომადგენელი. სოციალ-დემოკრატიულმა ფრაქციამ გამოთქმული არგუმენტი უსაფუძლოდ მიიჩნია. მისმა წარმომადგენელმა აღნიშნა, რომ ისტორიული მაგალითები ყოველთვის და ყველგან არ მართლდება, ამერიკულ მოდელს ჩვენი პრაქტიკა ეწინააღმდევებათ. მთავრობის კრიზისი არა საშიში, რაღვან იგი მხოლოდ რამდენიმე დღე გრძელდება, თანაც მთავრობის კრიზისის დროს სახელმწიფო აპარატი, მისი დაწესებულებები მუშაობას განაერძობენ და ამ კრიზისს დამანგრეველი შედეგები არ მოსდევს. ჩვენი პრაქტიკა ასახულია პროექტის 74, 75, 76 მუხლებში, რომელთა მიხედვით უმაღლესი აღმასრულებელი ხელისუფლება ეკუთხის რესპუბლიკის მთავრობას. მის თავმჯდომარეს ირჩევს პარლამენტი, ხოლო თავმჯდომარე ნიშნავს მთავრობის დანარჩენ წევრებს. მთავრობის თავმჯდომარე იმავდორეულად არის რესპუბლიკის უმაღლესი წარმომადგენელი. მთავრობის წევრს უფლება არ აქვს სხვა თანამდებობაზეც იმუშაოს, შეუძლია იყოს მხოლოდ პარლამენტის წევრი და ადგილობრივი თვითმმართველობის ხმოსანი. განცხადება იმისა, რომ მართვა-გამგეობა სწარმოებს კანონების საფუძველზე მოკლებული იქნებოდა რეალურ შინაარსს თუკი ეს უზენაში პრინციპი პი უფლებრივი სახელმწიფოსი არ იქნებოდა უზრუნველყოფილი სხვა დაწესებულებათა მიერ, რომლებიც თვალყურს ადევნებენ აღმასრულებელი ორგანოს მოქმედების კანონიერებას. პარლამენტი და უმაღლესი სასამართლო (სენატი), სოციალ-დემოკრატიული ფრაქციის აზრით, უნდა ყოფილიყვნენ დაწესებულებანი, რომელიც „კანონიერების ფარგლებში მოაქცევდნენ აღმასრულებელი ხელისუფლების და მისი დაწესებულებების საქმიანობას.⁴⁶

დიდი კამათი გაიმართა პარლამენტის სტრუქტურის თაობაზე. როგორც ჩანს, ოპოზიციური პარტიები მოითხოვდნენ კონსტიტუციას დაკანონებია ორპალატიანი პარლამენტი. იმედოვნებდნენ, რომ ზედა პალატის მეშვეობით რამდენადმე შეზღუდავდნენ სოციალ-დემოკრატიის ყოვლისშემძლეობას. მაგრამ დამფუძნებელი კრების უძრავლესობაში

მიუღებლად მიიჩნია ეს შესწორება. თვით ოპოზიციის ზოგიერთი წარმომადგენლის აზრითაც, ორპალატიანი პარლამენტი საქართველოს რესპუბლიკაში ვერ შეიქმნებოდა და ომც შეიქმნილიყო ვერაფერს შეცვლილა. აღნიშნეს, ომი ორპალატიან პარლამენტის გამართლება აქვს მხოლოდ ფედერაციულ სახელმწიფოში, სადაც ზედა პალატას ავსებენ შტატებისა და კანტონების წარმომადგენლები. უნიტარული დემოკრატიის განსახიერება საქართველოში თუ ზელოვნურად შეიქმნებოდა ორი პალატა, ორივე არჩევნები ერთი წესით უნდა ჩატარებულიყო და ორივე პალატაში უმრავლესობას ერთი და იგივე პარტია მოიპოვებდა. ასეთ პირობებში ქვედა პალატის მიერ მიღებულ კანონს თითქმის ავტომატურად ზედა პალატაც მიიღებდა. საქართველოს პირობებში ზედა პალატა იქნებოდა „ნამდვილი დუბლიკატი ქვედა პალატისა“ და ამდენად თავის დანიშნულებას ვერ შეასრულებდა.

1920 წლის დამდეგს საქართველოს კონსტიტუციის პროექტი განხილვის ობიექტად იქცა სოციალ-დემოკრატიული პარტიის მეორე ყრილობაზე. რამდენიმე დელეგატმა გამოთქა შენიშვნები. ყრილობის დადგენილება ითვალისწინებდა პროექტში შემდგენ ფორმულირებებისა და შესწორებების შეტანას: 1) ხაზგასმით უნდა აღინიშნოს, რომ პროფკავშირები თავისუფალი არიან, ისე როგორც ყველა სხვა კავშირები; 2) კონსტიტუციით განისაზღვროს პარლამენტის დეპუტატთა რიცხვი – 101; 3) დაკანონდეს უპრეზიდენტო სისტემა, რესპუბლიკის წარმომადგენლის ფუნქცია მიენდოს მთავრობის თავმჯდომარეს; 4) მთავრობას უფლება აქვს გამოიყვანოს ბრძოლის ველზე არა მარტო 3000 ჯარისკაცი, არამედ რამდენიც დასჭირდება, მხოლოდ 21 დღით. უფრო ხანგრძლივი ვადით ჯარის გამოიყანისათვის უნდა მოითხოვოს პარლამენტის ნებართვა; 5) ყოველი მინისტრი დამოუკიდებლად, მაგრამ პარლამენტის წინაშე საკუთარი პასუხისმგებლობით უძღვება მინდობილ უწყებას და უნდა გადადგეს, როდესაც დაკარგავს პარლამენტის ნდობას; 6) მთავრობის თავმჯდომარე ვალდებულია დაემორჩილოს პარლამენტის დადგენილებებს, სისრულეში მოიყვანოს ისინი. პარლამენტის დადგენილების შესაბამისად შეცვალოს ცალკეული მინისტრები, გარდაქმნას მთლიანად კაბინეტი; 7) ადგილობრივ მმართველობას ეწოდოს ადგილობრივი თვითმმართველობა. მათ უფლებებს პროექტში უკვე ფიქსირებულთან ერთად დაემატოს: განაგებს კულტურულ-საგანმანათლებლო საქმეებს; 8) საქართველოს ხელისუფლების

უფლება-კომპეტენციის ჩამონათვალს დაემატოს: რესპუბლიკას აქტების საკუთარი სამეურნეო და სავაჭრო დაწესებულებები, რომელთან ერთად გაფართოება და ერთი მთლიანი საზოგადოებრივი მეურნეობის შექმნა მისი მთავარი მიზანია. რესპუბლიკას შეუძლია კანონმდებლობის გზით გაასაზოგადოს ის სავაჭრო-სამრეწველო და სასოფლო-სამეურნეო საწარმოები, რომლებიც ამისათვის გამოსადგენია. საკუთრების იმულებითი ჩამორთმევა, ან კერძო ინიციატივის შეზღუდვა სახალხო მეურნეობაში შეიძლება მხოლოდ სახელმწიფოებრივი, საზოგადოებრივი და კულტურული საჭიროებისათვის ცალკე კანონში განსაზღვრული წესით და ანაზღაურებით.⁴⁷

ამ დებულებათა მნიშვნელოვანი ნაწილი, უფრო დახვეწილი სახით შევიდა კიდეც კონსტიტუციაში.

1920 წლის მაისში საქართველოს კონსტიტუციის პროექტი სტამბურად დაიბეჭდა და დამუშანებელი კრების წევრებს დაურიგდა. 6 თვის განმავლობაში პროექტში მრავალი შესწორება და ჩანამატი შევიდა. 24 ნოემბერს დაიწყო კონსტიტუციის განხილვა-დამტკიცების დამამთავრებელი ეტაპი.

დამუშანებელი კრების წინაშე ვრცელი ანგარიშით გამოვიდა საკონსტიტუციო კომისიის თავმჯდომარე პ. საყვარელიძე. თავის გამოსვლის ბოლო ნაწილში მან აღნიშნა: ამერიკულ დემოკრატიაში ხელისუფლების დაყოფა სამად (საკანონმდებლო, აღმასრულებელი, სასამართლო), მართალია, დაკანონებულია, მაგრამ მთელი სისრულით მისი დაცვა შეუძლებელი ხდება. საქართველოს დემოკრატია ისე ყალიბდებოდა, რომ ჩვენ წარმოგვიდგენია აღნიშნული სამი ელემენტის ერთმანეთისაგან სრული დამოუკიდებლობა. პ. საყვარელიძის აზრით, აშშ-ის მოსახლეობის სუვერენული უფლება შეზღუდული იყო, იქ მთელ ძალაუფლებას პარლამეტი ფლობდა, რაც თავისთავად ზღუდვები ხალხის საკანონმდებლო ინიციატივას, არარად აქცევდა უშუალო დემოკრატიას, პრატიკაში არ სტოვებდა რეფერენდუმს. ამდენად ამერიკის შეერთებულ შტატებში ხალხი კანონმდებლია დეპუტატთა მეშვეობით. საფრანგეთში ხალხი, პ. საყვარელიძის განცხადებით, კიდევ უფრო შეზღუდული იყო. იქ კონსტიტუციას ამტკიცებს და გადასინჯავსო არა ხალხი, არამედ ნაციონალური კრება-პარლამენტი.

როგორც ვხედავთ, განაგრძო კომისიის თავმჯდომარემ, ყველა დემოკრატიასა და კონსტიტუციას აქვს გარკვეული ნაკლი. ამიტომ

წმინდა სახით ვერცერთ დემოკრატიულ სისტემას ვერ გამოვიყენებოდა საქართველოს რესპუბლიკის კონსტიტუცია უფრო სრულყოფილი უნდა გავხადოთ. „ჩვენი კონსტიტუციით მთავრობა პასუხისმგებელია პარლამენტის წინაშე როგორც მთლიანად, ისე პიროვნულად. ისინი (მთავრობის წევრები – ა.ბ.) აღჭურვილი არიან პარლამენტის ნდობით როგორც კოლეგიურად, ისე ცალ-ცალკე. მთავრობა გადადგება მაშინ, როცა პარლამენტი გადაჭრით, განსაკუთრებული დადგენილებით გამოუცხადებს მას უნდობლობას“.

მუდმივი არაფერია, თქვა ბოლოს პ. საყვარელიძემ, მომავალ თაობას შეიძლება ჩვენი კონსტიტუციის ზოგიერთი მუხლი არ მოეწონოს, სავსებით ბუნებრივია მათი შესწორება, შეცვლა. მაგრამ ის მუხლი, რომელიც აკანონებს საქართველოს დამოუკიდებელ დემოკრატიულ რესპუბლიკას, შეუცვლელი უნდა იყოს. შეიძლება ახალი სახოვაღოებრივი წეობა დამყარდეს, ახალი კონსტიტუციაც შემუშავდეს, მაგრამ ეს მუხლი უცვლელად უნდა გადავიდეს ახალ კონსტიტუციაში. ჩვენი კონსტიტუცია უნდა უზრუნველყოფდეს პოლიტიკური დემოკრატიისა და სოციალური დემოკრატიის შერწყმას.⁴³

კონსტიტუციის პროექტის ავტორზე თავის აზრი გამოთქვა რადიკალურ ეროვნულ-დემოკრატიული პარტიის წარმომადგენელმა ვ. წერეთელმა. მისი აზრით, საქართველოს გამოცხადება ნეიტრალურ სახელმწიფოდ არ იყო მიზანშეწონილი, ეს გააძნელებსო ჩვენი სახელმწიფოს ისტორიული საზღვრების აღდგენას. ვ. წერეთელმა ისიც აღნიშნა, რომ პროექტის მიხედვით პარლამენტის წევრები წარმოადგენენ მთელ ერს და არა ერთ-ერთ კუთხესა და პარტიას. ეს არ შეესაბამება ოპირდაპირი კანონმდებლობის წესს. „წარმოვიდგინოთ, რომ დავძლიერ ყოველი დაბრკოლება და განვახორციელეთ პირდაპირი კანონმდებლობა. მაშინ თითოეულ კანონპროექტს მთელმა საქართველომ უნდა მისცეს ხმა! ამისათვის კი მთავრობასა და ხალხს აუარებელი ქონებრივი და ზნეობრივი ენერგიის დახარჯვა დასჭირდება., ...სახელმწიფომ, რომელშიც გაბატონებული და დამოწეული ნაწილები არ არის, კანონმდებლობა შეოლოდ წარმომადგენლობის საშუალებით უნდა განახორციელოს. ვ. წერეთელმა საჭიროდ მიიჩნია დეპუტატის საკანონმდებლო უფლების რეალური გარანტიები. ფაქტი არისო, რომ „პარტიულმა დიქტატურამ საკანონმდებლო წარმომადგენლობის წევრს სრულიად წაართვა კანონმდებლობითი დამოუკიდებლობა. საკანონმდებლო დაწესებულების წევრი შებორკილია პარტიული



მანდატით, რაც საშუალო საუკუნეთა მანდატებს მოგვავონებს ფართდება ეს წესი დარჩა, საკანონმდებლო დაწესებულება პარტიული ფანატიზმის მსხვერპლად გადაიქცევა. დასავლეთმა, განაგრძო წერეთელმა, კარგა ხანია თავი დააღწია სარწმუნოებივ ფანატიზმს, შეწყდა სხვადასხვა სექტების ბრძოლა. საფრანგეთსა და იგლისში, ნაწილობრივ გრძმინაში. სარწმუნოებრივმა და შემდეგ პარტიულმა ფანატიზმმა (იაკობინიზმი, ანარქიზმი, კომუნიზმი) ჩაიღურის წყალი დალია, ისტორიას ჩაბარდა. იგივე დაემართება ჩვენშიც პარტიულ ფანატიზმს, რომელიც ყველას მოსტულდა.

ვ. წერეთელმა მხარი დაუჭირა კონსტიტუციის პროექტის დედაბრის იმის თაობაზე, რომ საქართველო არის უნიტარული სახელმწიფო, უფერალური მოწყობისათვის საფუძველი არ არსებობს, რადგან მოსახლეობის 80%-ს ქართველები შეადგენენ. მოუხდავად ამისა, მან მიზანშეწონილად მიიჩნია სამუსლიმანო საქართველოს და აფხაზეთის ერთ ნაწილს, სადაც აფხაზები უმრავლესობას შეადგენდნენ, მინიჭებოდა ავტონომიური მართვის უფლება. მანვე ზედმეტად გამოაცხადა ზედა პალატა, მაგრამ მხარი დაუჭირა საპრეზიდენტო მმართველობის დაკანონებას. „სჯობს საქართველოს პრეზიდენტი ხალხის მიერ იქნეს არჩეული. დაუ, ხალხს ის ჰყავდეს წარმომადგენლად, ვისაც ენდობა. პრეზიდენტმა უნდა განაგოს რესპუბლიკა მინისტრების საშუალებით, მინისტრები კი პასუხისმგებელი უნდა იყვნენ პარლამენტის წინაშე“.⁴⁹

ეროვნულ-დემოკრატიულმა ფრაქციამ ფრიად სასიამოვნო ფაქტად მიიჩნა დამუშავებელ კრებაში კონსტიტუციის პროექტის შემოსვლა, მასთან დაკავშირებით გამართული დებატები. „ერის უწმინდეს დარბაზში – წერდა „საქართველოს “ რედაქცია – უმნიშვნელოვანესი საკითხი დგას. აქ იხილავენ პროექტს „მკვდრეობით აღდეგნილ“ ერის მომავალ სახელმწიფოებრივ წყობილებისას... ნეტარნი ვართ! სჩანს უხილავ სიღრმისეკნ დამვატული რევოლუცია შესდგა. ერის ძლიერებამ შეაჩერა პირქვე დაქანებული სოციალისტები. აწ თვით შენგველადამ და მისმა რევოლუციურმა ფრაქციამაც უნდა გაიგოს, რომ ჩვენი ერი შექმნის კანონიერსა და უფლებრივ სახელმწიფოს, რომელსაც დასასრული არ ექნება“. ეროვნულ-დემოკრატიულმა ფრაქციამ მაღალი შეფასება მისცა მთლიანად კონსტიტუციის პროექტს: „ჩვენი კონსტიტუციის ძირითადი საფუძვლებიდან გამომდინარეობს, რომ სუვერენობა თვით ხალხს ეკუთვნის. ის ირჩევს პარლამენტს, მაგრამ მას მუდამ თავს



დასტრიალებს. ჩვენ იმუდი გვაქვს, რომ ამ კონსტიტუციით შექმნას ქართველი ერი მომავალ კულტურას და ისტორიას, რომ პარლამენტი კონსტიტუციით ჩვენი მთავრობა და პარლამენტი შესძლებენ სახელმწიფოს გამაგრებას და ჩვენც თამამად წარვდგებით მომავალი თაობის წინაშე⁵⁰.

ასეთ აღმაფრენას ხელი არ შეუშლია ეროვნულ-დემოკრატიული ფრაქციისა და „საქართველოს“ რედაქციისათვის კრიტიკული შენიშვნებიც გამოეთქვათ კონსტიტუციის პროექტის ზოგი დებულების მიმართ. გ. გვაზავაშ საჭიროდ მიიჩნია მართვა-გამგეობის სამი ელემენტის უფრო მკვეთრად გამიჯვნა. პრეზიდენტის ინსტიტუტის შემოღება „გარანტიაა თავისუფლებისა – განაცხადა მან დამფუძნებელი კრების ტრიბუნიდან – თავდაპირველად არის თვით ერი და მისი უფლებრივი შევნება. მაგრამ ეს იმას არ ნიშნავს, რომ თვით კონსტიტუციაში არ იყოს შესაფერისი უფლებრივი გარანტია. ასეთი არის – კონტროლი ერთი მეორისა სხვადასხვა ხელისუფლების მიერ და შემდეგ სასამართლო. კანონმდებელი ხელისუფლება კონტროლს უწევს მთავრობას., ...მას შეუძლია სულაც გადააყენოს მთავრობა უნდობლობის გამოცხადებით. მეორე მხრივ, რომ კანონმდებელი ხელისუფლების მუშაობა არ მოხდეს აჩქარებულად და ზერელებ, კარგი იქნება ოუ რესპუბლიკის პრეზიდენტს მიეცემა უფლება „გეორგისი“, ...ასეთი წესი ჩვენთვის მით უფრო საჭიროა, რომ გვაქვს ერთადატიანი პარლამენტი⁵¹. ერთ-ერთი ძირითადი გარანტია თავისუფლებისა და კანონთა აღსრულებისა გ. გვაზავას აზრით, უნდა ყოფილიყო უმაღლესი სასამართლო, მას უნდა გაეწია კონტროლი როგორც საკანონმდებლო, ისე აღმასრულებელი ხელისუფლებისათვის. დამოუკიდებელი სასამართლოს მისიას შეადგენდა „კონსტიტუციის და ყველა კანონის დაცვა ყველას ხელყოფისაგან“⁵².

კონსტიტუციის პროექტის განხილვის დროს გ. გვაზავას შეკამათება მოუხდა თვით მთავრობის თავმჯდომარესთანაც კი. ერთ-ერთ სხდომაზე ნ. ფორდანიამ განაცხადა: „კონსტიტუციის პროექტში უნდა ისხვდებოდეს ფაქტორ ძალთა განწყობილება“. ლასაღის ეს სიტყვები, შენიშნა გ. გვაზავაშ, თავის დროზე სწორი იყო, რადგან იმ ეპოქაში არსებობდა საარჩევნო ცენტო, ახლა კი საყოფაცხოვო უფლება მოქმედდეს. თუ ასეთია ობიექტური პირობები, რა აზრი უნდა იმაღლებოდეს „ძალთა განწყობილებაში, რომელიც აღბეჭდილი უნდა იქნეს კონსტიტუციაში“? ნუთუ ძლიერ კლასს მეტი უფლება უნდა მიეცეს. ამ გზით თუ

წავალთ, დაირღვევა დემოკრატიული პრინციპი თანასწორობისა. ასე მოიქცნენ ბოლშევიკები რუსეთში და ჩვენ იმათ არ უნდა მივბაჭყაროთ მათი.

დამფუძნებელ კრებაში გ. გვაზავას მთავრობის თავმჯომარესთან პრეზიდენტის ინსტიტუტის საკითხთან დაკავშირებითაც მოუხდა კამათი. როგორც ითქვა, სოციალ-დემოკრატია და მისი ლიდერიც შხარს უჭერდნენ შერეულ დემოკრატის, ფრანგულ-შვეიცარულ სისტემას, მაგრამ მიზანშეწონილად თვლიდა პრემიერის უფლებამოსილების გაფართოებას. ეროვნულ-დემოკრატებს კი გვზი ჰქონდათ აღტეული საპრეზიდენტო მმართველობისაკენ. გ. გვაზავამ აღნიშნა – „უკეთესია ჰქონას ძალას არ ვატანდეთ და მშვიდობიანად ავირჩიოთ ერთი რომელიმე სისტემა აღმასრულებელი ხელისუფლების მოწყობისა. მივიღოთ ვთქვათ შვეიცარული სისტემა. მაშინ თავმჯდომარეს და ყველა მინისტრებს აირჩივს პარლამენტი და ყველა რჩება თავის ადგილას განსაზღვრული ვადის გასვლამდე. ან მივიღოთ პრინციპი მინისტრების პასუხისმგებლობისა და მაშინ პარლამენტის მიერ არჩევას არ უნდა ჰქონდეს ადგილი. მაშინ ლოგიკურად აუცილებელია პრეზიდენტი რესპუბლიკისა, რომელიც იწვევს პირველ მინისტრს და მას ანდობს კაბინეტის შედგენას“⁵¹. 6. ფორდანია კი ცდილობს გამონახოს რაღაც საშუალო, შექმნას ისეთი სისტემა, რომელიც ჯერ არსად ყოფილა. ამით ვეროპას ვერ გავაკვირვებთ, საქართველოს კი ზიანს მიეცავნებთო. საპრეზიდენტო მმართველობის მექანიზმი ისეთია, რომ პრეზიდენტი დიქტატორად ვერ გადაიქცევა. საქართველოს პირობებში, გ. გვაზავას აზრით, აუცილებელი იყო პრეზიდენტი და პარლამენტის წინაშე პასუხისმგებელი მთავრობა.⁵²

საკონსტიტუციო მუშაობა აფხაზეთშიც მიმდინარეობდა. 1920 წლის 16 ოქტომბერს აფხაზეთის სახალხო საბჭომ განიხილა აფხაზეთის კონსტიტუციის პროექტი. პირველ მუხლში მოხაზულია აფხაზეთის საზღვრები და აღნიშულია, რომ იგი შედის საქართველოს დემოკრატიული რესპუბლიკის შემადგენლობაში ავტონომიური ქრონიკის სახით. მე-5 და მე-6 მუხლებით გამიჯნულია საქართველოს ცენტრალური ხელისუფლებისა და აფხაზეთის ავტონომიის მართვა-გამგეობის ორგანოთა უფლება-კომპეტენცია. მოგვიანებით კონსტიტუციის ჩასწორებული პროექტი გადმოეგზავნა დამფუძნებელ კრებას განხილვა-დამტკიცებისათვის.

საქართველოს დემოკრატიული რესპუბლიკის კონსტიტუციის პროექტის განხილვა 1920 წლის ბოლოს დასასრულს მიუახლოვდა,

თთქოს აღარაფერი აფერხებდა მის დამტკიცებას, მაგრამ დამავარგვინებელი აქტი არ ჩნდა. „საქართველოს“ რედაქციამ უმრავლესობა ერთ წერილში ის აზრი გაატარა, რომ დამფუძნებელი კრებისა და საკონსტიტუციო კომისიის სოციალ-დემოკრატიული უმრავლესობა განგებ აჭიანურებდა კონსტიტუციის მიღება-დამტკიცებას. ამ უმრავლესობის განზრახვა, რედაქციის განცხადებით, იყო რაც შეიძლება დიდხანს დარჩენა მდგომარეობის ბატონ-პატრონად, სახელმწიფოს თითქმის უკონტროლო მმართველად. „ამას კი ბოლოს მოუღებდა კონსტიტუცია, რომელიც მისი ხელ-ფეხის შემბორკველი გახდებოდა“. რედაქცია მკითხველს მიანიშნებდა, რომ ამ დიდი საქმის გაჭიანურება აღარ შეიძლებოდა. „ასე თუ ისე, პროექტი მზადაა. იგი აღიარებს დემოკრატიულ რესპუბლიკას საქართველოს სახელმწიფოებრიობის მუდივ ფორმად და წერტილი სწროვდ აქ უნდა დაისვას. რამდენადაც ჩვენი შემდგომი სახელმწიფოებრივი ცხოვრება და ხელისუფლების პრაქტიკა სწროვდ ამ დემოკრატიული ფორმის განმტკიცებას მოიტანს და მას ააცდეს პროლეტარულ-ბოლშევკიური რეჟიმისაკენ გაქანებას, იმდენად უზრუნველყოფილია საქართველოს სოციალ-პოლიტიკური პროგრესი და იმდენადევ შეძოჭილია ქვეყნის უზენაესი კანონით სოციალ-დემოკრატიული უმრავლესობა თავის ბოლშევიკურ აფეთქებაში. ამ მხრივ კონსტიტუციის პროექტის მიღებას და მის საჩქაროდ დამტკიცებას დიდი მნიშვნელობა აქვს“.⁵³

პროექტისა და დამტკიცებული კონსტიტუციის შედარება ცხადყოფს, რომ განხილვის პროცესში ბევრი მუხლი საგრძნობლად შეიცვალა. ზოგიც საერთოდ მოიხსნა. 1920 წლის მაისის ბოლოს კონსტიტუციის პროექტში 166 მუხლი იყო. დამტკიცებული კონსტიტუცია კი 149 მუხლს შეიცავს.

საბჭოთა რუსეთის აშკარა აგრესიის დაწყების შემდეგ საკანონმდებლო მუშაობა კიდევ უფრო დაჩქარდა. დამფუძნებელმა კრებამ 1921 წლის 21 თებერვალს კონსტიტუციის პროექტი დამტკიცა, საქართველოს რესპუბლიკის ძირითად კანონად აქცია.

კონსტიტუციით საქართველო დაფუძნდა როგორც თავისუფალი, დამოუკიდებელი, განუყოფელი სახელმწიფო, მარადიული რესპუბლიკა. მე-8 მუხლი დადადებულა: „კონსტიტუცია სახელმწიფოს უზენაესი კანონია. ამ შეიძლება გამოქვეყნებული იქნეს კანონი, დეკრეტი, ბრძანება ან განკარგულება, რომელიც კონსტიტუციის დებულებათა და მათი დედაზრის წინააღმდეგია. კონსტიტუციის შესრულება, მისი

პრინცი პების განხორციელება კანონმდებლობასა და მართვა-გამგეობაში სახელმწიფოს ყოველი ხელისუფლების მოვალეობას შეაღების დროისა

1921 წლის კონსტიტუციაში დაფიქსირებულია დებულებები მოქალაქეობისა და მოქალაქეთა უფლებების, წოდებრივ განსხვავებათა მოსპობის, კანონის წინაშე ყველას თანასწორობის შესახებ. გამოცხადებულია, რომ მოქალაქეს აქვს სინდისის და რწმენის თავისუფლება, სიტყვის, შეკრების, კავშირების შექმნის, გაფიცვის თავისუფლება. კანონის დარღვევის და დანაშაულებრივი ქმედების შემთხვევაში მოქალაქე პასუხს აკებს მხოლოდ სასამართლოს წინაშე. მავრამ „ამბოხებისა და ომის დროს, პარლამენტს უფლება აქვს დროებით შეაჩეროს მთელ რესპუბლიკაში, ან რომელსამე ნაწილში იმ უფლებათა გარანტია, რომელიც აღნიშვნულია 19, 22, 25, 26, 27, 28, 29, 30, 32, 33 მუხლებში და შემოიღოს საგანგებო წესები“.

კონსტიტუციის მეოთხე თავში განსაზღვრულია რესპუბლიკის პარლამენტის უფლება-კომპეტენცია, მისი საქმიანობის, კანონების მიღება-გამოქვეყნების წესები. მეხუთე თავში ლაპარაკია აღმასრულებელ ხელისუფლებაზე, მთავრობის შედგენის წესსა და მის უფლება-მოვალეობაზე. კონსტიტუციის მექვებე თავი ეძღვნება სასამართლოს, მეშვიდე – სახელმწიფო ფინანსებს, მერვე – სახელმწიფო კონტროლის ორგანოებს, მეცხრე – სახელმწიფო თავდაცვას.

კონსტიტუციის მეათე თავში დაფიქსირებულია ადგილობრივი თვითმმართველობის უფლება-კომპეტენცია, მისი მოვალეობა ცენტრალური ხელისუფლებისა და ხალხის წინაშე. სახელმწიფო ხელისუფლების ცენტრალურ ორგანოებს მხოლოდ იმ შემთხვევაში შეეძლო ადგილობრივი თვითმმართველობის დადგენილება-განკარგულებათა შეჩერება, თუ ისინი ეწინააღმდეგებოდა კანონს. მეთერთმეტე თავი კონკრეტულად ეხება აფხაზეთსა და სამუსლიმან საქართველოს. კონსტიტუცია ითვალისწინებდა აფხაზეთის, ბათუმის ოლქისა და ზაქათალის ოკრუგისათვის ავტონომიის მინიჭებას. რესპუბლიკის ტერიტორიაზე მცხოვრებ სხვა ეროვნებათა წარმომადგენლებს უფლება ეძლეოდა შეეღინათ უროვნული კავშირები თავიანთი კულტურული-საგანმანათლებლო საქმეთა უკეთ მოსაწყობად.

კონსიტუციის მეცამეტე თავში განსაზღვრულია რესპუბლიკის მოქალაქეთა სოციალურ-ეკონომიკური უფლებები და სახელმწიფოს სოციალ-ეკონომიკური პოლიტიკის მიზანმიმართულება. სახელმწიფოს მოვალეობად გამოცხადდა ზრუნვა მოქალაქეთა ღირსეული

არსებობისათვის. ძირითადი კანონი ადგილობრივი თვითმმართვულობის
ორგანოებს ავალებდა შრომის ბირჟის, საშუალებრივ კანტორებისადაც
სხვა დაწესებულებათა დაარსებას, უმუშევართათვის დახმარების გაწვევას.
კონსტიტუცია აკანონებდა 8-საათიან სამუშაო დღეს, კვირაში ერთხელ
42 -საათიან დასვენებას, კრძალვდა 16 წლამდე მოზარდთა ფაბრიკა-
ქარხნებში შრომას. ერთი სიტყვით, სახელმწიფოს უნდა ეწრეუნა
ცხოვრებისა და შრომის ნორმალური პირობების შექმნისათვის,
რისთვისაც იქმნებოდა შრომის ინსპექცია და სანიტარული
ზედამხედველობა.

კონსტიტუციის სათანადო მუხლით საკუთრების იძულებითი
ჩამორთმევა საზღაურის გაცემით დაიშვებოდა გამონაკლის შემთხვევაში,
თუ ამას მოითხოვდა საერთო, სახელმწიფოებრივი და საზოგადოებრივი
ინტერესები. რესპუბლიკის ხელისუფლებას უფლება ეძლეოდა
კანონმდებლობის გზით სახელმწიფოსა და მუნიციპალიტეტების
საკუთრებად გამოეცხადებინა სავაჭრო, სამრეწველო და სასოფლო-
სამეურნეო საწარმოები, რომლებიც საზოგადოებრივი სექტორის
საფუძვლად გამოდგებოდა. სახელმწიფო თავის მოვალეობად აცხადებდა
წვრილი მწარმოებლის -- სოფლის მეურნის, ხელოსნის, მინამრეწველის
დაცვას კერძო პირთა ექსპლოატაციისაგან. მიწის მოვლა,
მიწათმოქმედების მაღალ დონზე დაყენება ცხადდებოდა მიწის
მესაკუთრის მოვალეობად მოელი საზოგადოების წინაშე.

საერთოდ 1921 წლის კონსტიტუციის ანალიზს იმ დასკვნამდე
მივყავართ, რომ საქართველოს დამჯუმნებელი კრება, მისი თითქმის
ყველა ფრაქცია მოწოდების სიმაღლეზე აღმოჩნდა. საქართველოს
პირველი რესპუბლიკის კონსტიტუცია იდგა იძღვინდელი
დემოკრატიული მსოფლიოს სამართლებრივი მეცნიერების დონეზე.
მისი ზოგიერთი მუხლი მოძველდა, ზოგიც შესწორება-დაზუსტებას
საჭიროებს, მაგრამ 1921 წლის კონსტიტუცია მაინც გამოდგა
საქართველოს მესამე რესპუბლიკის საკონსტიტუციო კომისიის
მიშნელოვან წყაროდ, 1995 წლის კონსტიტუციის სამართლებრივ
საფუძვლად.